

王文安公

文章有裨以

子非文不

禮樂制度

載籍之文工

知觀於子史

先生文集序

一家尚矣蓋君臣父

義道也非文不昭

不闡故觀於六經

帝三王之盛有可

心儒之文而漢晉唐



NATIONAL CENTRAL LIBRARY, TAIWAN, R.O.C.

宋之盛感可攷文之功用若此則  
凡有國有家者又可崇尚文儒  
爲首務哉我朝自

太宗文皇帝正位宸極卽大祈文運  
嘗慕虞周元凱宅俊之選取進士  
之充者二十八人入翰林爲庶吉

士錫之秘書俾大肆討論以追述  
古作暇則引至

內廷誨以班馬歐蘇爲程度屢加賞  
賚無負於明時若臨川王先生其  
一人也先生資性粹敏儀表端莊  
在童幼時已知務學之要及長遂

掇危科及遭茂選亦大肆制作每  
放筆伸意動輒數年百言深爲同  
輩所推讓其立朝與泰和柳菴王  
公同以學士知制誥修國史主文  
衡凡三十餘年天下稱文章元老  
者必歸之二王無異者及柳菴晉

蘇吳文正虞文公以

國朝當一代文章之任  
賢之休光者則有先生  
謂盛矣哉先生沒而教  
集兩京遺藁爲若干卷  
之以節嘗承教愛宜五

生之文如嘉穀美錦  
人自敬重奚待序之  
哉而節不能以不叙  
編之傳刻有次而諗  
快觀也先生諱英字  
別號也歿年七十又

國朝當一代文章之任以紹續先賢  
之休光者則有先生一人焉可謂  
盛矣哉先生沒子教諭昌信哀集  
兩京遺藁爲若干卷將刻而傳之  
以節嘗承教愛敬重奚待序之有

無而後傳哉而節不能以不叙者  
亦喜是編之傳刻有次而諗士君  
子同於快覩也先生諱英字時彥  
泉坡其別號也歿年七十又五制  
錫堊

北先生以列卿進位大宗伯移秩  
于南士林慕其流風縉紳承其高  
誼人士景仰奔走而求文者門無  
虛日凡得其片紙隻字以爲至寶  
可謂一代之雄才儒林之巨手筆  
者矣有裨於國家君子每評先生

之文者謂其春容浩汗如長江大  
河一瀉千里莫知其所知而終于  
海此名言也其詩體之清新字法  
之雄壯則又全緒焉臨川前晏元  
獻王安石以正事顯吳文正慶文  
靖以理學著

祭謚曰文安為士林寵光云

歲化元年歲在乙酉春正月既望

憲大夫

改太常少卿兼翰林侍講學

士國史副總裁前國子祭酒

門生安城吳節謹叙



尚書王文安公傳

朝請大夫贊治少師京國子祭酒四明陳敬宗撰

公諱英字時彥別號泉坡其先太原人祖宗達宋迪功  
即仕于臨川遂家金谿曾祖頤貞元季以書經魁江右  
入國朝退隱于家祖于岱父脩本並以儒行稱母曾氏  
公生十一歲而失怙母淑人以教以長遊業邑庠刻苦  
嗜學登永樂甲申進士第時

太宗文皇帝方銳意育才命翰林學士解縉選進士顏秀  
者與狀元曾棨等通得如二十八宿之數俾盡讀文淵  
閣古今書作為班馬韓柳歐蘇文字命大官日給珍饈



月賜燈油之資教召至便殿問以經史諸子故實或至  
抵暮方退公在二十八人之中每為儕輩所推讓後  
上以綸綍事重以公與今冢宰重直皆慎密可委任並揀  
入秘閣書進呈機密奏疏歲戊子預備

太祖高皇帝實錄丁亥授翰林脩撰扈蹕述狩北京丙申  
陞翰林侍講戊戌實錄成賜襲衣絲段鈔鈔壬寅胡寇  
犯邊二月

上親征公扈從至闕樂兒海五月旋師過威虜鎮李陵城  
已四十里

上召公曰聞李陵城有石碑以佳視之復遣錦衣衛官校

隨之以行時城中被虜殺掠燒毀一空惟城北門有石  
碑上刻磨觀之額曰李陵臺驛令謝君德政之  
碑其文畧可讀其陰刻達魯花赤等官姓名明日公備  
奏其故

上曰此碑既鐫有鞞鞞姓名異曰胡虜見之必以此地為  
已物爾宜再往擊碎之用火燬沉之於河以絕其爭端  
公如旨而往既還奏

上嘗謂公曰秀才是二十八人讀書者朕需爾為用正好  
宣力勿憚勞苦因問曰朕率師伐虜爾試言成功如何  
公對曰胡寇犯邊罪在不宥但聞天兵親征必遠走漠



北臣願陛下幸毋入險窮追也

上笑曰朕為天下國家計秀才之言惟不欲窮兵黷武耳復謂曰凡軍中一切動靜或謠言之類爾有所聞即來密奏又諭大監孟瑄曰秀才有事即令人見毋阻六月上駐驛安平鎮立功官軍因有過不與口糧者多相聚悲泣曰吾等糧盡必死道路矣公以為言且曰此皆壯士也願陛下宥其過而獎之恩則異日必得為國出力上悅即命兵部尚書李慶人給口糧并載衣甲鹽一定甲度上復親征胡虜還次榆木川吳駕時

仁宗皇帝在東宮命尚書蹇義夏原吉學士楊榮湯士

侍讀王直與公同定喪禮議國政宿內閣凡七日

仁宗皇帝嗣位加恩賜白金綵段八月進秩侍講學士尋陞右春坊大學士兼翰林侍講學士明年乞歸省賜鈔二千緡俾馳傳而還

宣宗皇帝即位嘗召入便殿謂曰洪武中學士有宋濂吳況朱善劉三吾宋樂初則解縉胡廣俱有重名今汝當講經史陳道義以啓沃朕心罔俾前人獨專其美賜內醢及鈔千緡命入內閣參預中秘書奏乞分俸養母于家上允其請宣德庚戌脩

太宗仁宗兩朝寶錄成賜白金綵幣襲衣陞詹事府少詹

事兼翰林侍講學士復賜金相琥珀麒麟帶壬子正月  
聞太淑人曾氏喪

上命禮部賜祭工部造墳遣中官阮童護公奔喪冬十月  
奪哀還朝寵遇日隆不時召對正統間開經筵公為講  
官陳說詳明於文義之外多有規諫之語其講章於  
朝之際人爭求去以為珍寶脩

宣宗皇帝實錄與少師楊士奇楊榮同為總裁實錄成賜  
白金百兩綠段鞍馬進秩禮部左侍郎兼翰林侍講學  
士癸亥正月奉旨出理部事講官如故乙丑荆江台寧  
等府民遭疫死甚衆

上遣公齋香幣往祀南鎮以饗民禱時荆間久旱公至紹  
興大雨水深二尺灌獻之夕雨止星見明日又大雨田  
野沾足人皆喜曰此侍郎雨也布政使孫原貞等陪祀  
請作御祭感應記刻石于廟而還丙寅公奏京師去冬  
少雪今年自春徂夏雨澤不降種不入土小民缺食此  
皆臣等政事不備激怒上蒼所致伏望陛下施賑卹之  
息臣等宜益省愆戒飭仍乞齋沐祈禱以格天心  
上從其言果大雨五日先是公奏請致仕不許至是年七  
十復上章乞罷政吏部言公精力未衰  
上是其言不允戊辰八月

上特旨陞公南京禮部尚書明日謝恩畢內傳旨曰上以  
知久仕先朝多劾勤勞陞秩南京俾得安佚既視事南  
京二年得疾而終是為景泰元年五月十七日也春秋  
七十有五計開

上悼惜賜謚文安命禮部賜祭工部造墳公在翰林屢為

會試考官海內名士多出門下為文章典贍  
朝廷制作經其筆居多四方求金石銘誌碑記者接踵其  
門公酬應不倦詩歌字書人罕能及

論曰撫州多名儒顯官若宋之晏殊王安國元之吳  
澄虞伯生諸君子其文章名位功業皆炳然當世而

耀竹帛者豈偶然哉玉筍寶蓋諸名山秀氣之所鍾也  
公亦撫之人也其文章名位功業莫不相似然自入仕  
歷官通顯不離朝廷四十五年而

列聖眷遇久益不衰於此則似過之矣天之生賢何偏也  
於撫之人哉抑孰知公之才德自足致身於青雲

王文安公詩集目錄

卷第一

五言古詩

雜詩三首

經靈壁行野中作

臘日賜宴後車駕狩于近郊有作四首

登北門外古城

六賢詠六首

早春黃御史宅宴集分韻一字

夢遊華蓋山三首

吾丘老人壽詩

徐墓何

送許生別兄還南京

扈從至中都二首

駕至東平望祭泰山

出金鄉十餘里溪行與汝敬正安臨流慰詠有作二首



國家圖書館, NATIONAL CENTRAL LIBRARY, TAIWAN, R.O.C.

遊白雲觀訪長春宮故址六首

紀聖德詩四首

慶清流閣觀趙太祖馬跡有作

觀大將軍師南征

胡祭酒洪崖山房二首

送王編隋覺非致仕分韻得千仞二字

送少傅建安楊公扈從巡邊分韻得禮樂二字

題漁父辭初圖 壽菊詩四首

游翠微山圓通寺詩五首 陪祀皇陵

大學士楊公朝房對菊二首 寄傅憲副克已

送陳知府分韻得吐字 將進酒 蕭布政

送羅汝寬教官還昭武 巽溪詩 文賦

題王徵士竹亭

大祀南郊

雪月樓 周中家景圖

卷第二

七言古詩

元夕分題賦得紫陌笙歌 送胡學士扈從北征歌

胡貞婦歌 畫虎歌 畫牛歌 清風軒歌

陳所翁墨龍歌 題陳璉憲使畫山水歌并書以寄

趙魏公畫馬歌 郭純畫鶴歌 雲松軒歌

商山四皓圖 橋井圖 丘氏三節祠

送吳太僕還滁州 送彭秀才從大將軍黃公征交趾

夜過徐州 元嘉新歌為鍾鼎賦

湓城過鴈歌送蕭使君

賜觀燈午門應制

題韓滉畫田家移居圖

溪山秋意圖

陪高臺送錢僉事入閩中

欽和御製元夕觀燈詩

送少師建安楊公還鄉省墓

海天高興圖為王太守作時太守已故矣

丁氏松月齋

題襄城侯江山遠趣圖

徐太守墨梅歌

瑞鳥

榮親堂詩

卷第三

五言律詩

早春侍內廷覲朝廷明盛恩澤滂沛謹賦四詩

望遠山

卷之三

靈竈女廟

迎酌泉

出王隱明地方法山

贈崔行軍

暮過併山

贈田將軍

贈王子正隱山

贈長安少府

夜泊淮河北岸

贈程將

送金翰林

贈南山上人

送許子讓赴北京

送張生

憶田園

夜宴

酬去尊師仙遊四首

送楊秀才

泛舟河口二首

新秋有懷二首

新春朝中作

題龍氏龍州書館

送寶上人還山

紀方軒

故太守胡公夫人吳氏挽歌四首

沈學士祝詞三首

哭史葯翁先生

卷八景

吳道新治

博陵舊治

東鹿晴嵐

澤池春水

凌雲集詩

蕪妾夕照

房淵飛燕

衡水歸鴻

元日朝回本呈院中諸公三首

舟行雜興二十首

元夕昇平詞十首

太宗文皇帝祝詞六首

仁宗皇帝祝辭四首

登湖口石鍾山上閣

登石鍾山下閣

經梁宋馬上作

贈張生

趙執尚書挽辭一首

扈從夜宿利國寺觀次汝器製

聖德瑞應詞十首

扈從度龍門作

賦白雲送康生歸省

九竹軒為曾侍講賦

賦瀛海歸潮送蘇中書歸閩

賦錦袍送鄭郎中還盱江

扈從東苑閱武應制

再遊楊鴻臚東郭草亭

送劉鼎御史巡按交趾

玉峽書堂

卷第四

七言律詩

寄和陽之宜春早侍宴朝回之作

三月初一日殿試承恩賜膳

賜五色菊應制

立春宴梁侍讀宅分韻得絲字

送南康翁教授赴任德安

送陳南中重使西域

送楊都指揮出塞

題查氏東谷隱居

送汪生別其兄南歸

阿魯台受封後遣其幼子入侍

送林侍講弟崇信赴泉州訓導

進士楊勳自洛回典用中諸公薄暮見過有涼蕪簡雅言教授

寄張真人西壁

龍武岡有召

自潤察海移師東行

至兀良哈

城南寓居

寄徐氏許氏二妹

端午日賜觀射柳二首

送陳洽尚書拜命同大將軍與公出鎮交趾

南昌即興和項御史韻二首

送胡直敬方下第還家

和素庵侍講對雨詩

直禁中次韻

題梁贊善詩

題宋王晉卿駙馬西園雅集圖

冬至日早朝微雪呈同院諸公

寓館有懷

送中書舍人張伺臺移北征

少年將

送陳貞外使西域

送葉秀才赴香河教官兼呈吳合肥文穎

送廖去急從陳尚書與英公往南交

哭哀庭王太常

送李慶士時傑還鄉

老胡婦

周處士溪居

和胡學士遊佛窟寺

逢武當道士李幽巖

寄黃廣文

唐氏隱居

朝回宴李君小館有懷

扈從重至北京

奉酬楊之宜見寄詩韻



贈孫碧雲鍊師還山

榆林夜宿有懷邵庵學士對月之作

望宣府諸山作地志載燕然山即此

送呂尚書使閩中兼省母大夫人

贈李將軍

春日開小軒謾興

重遊慶壽寺

觀御馬

送張真人西壁

遊揚州東郭草亭

送受封邵御史

送李學士還安成祭祖

行儉侍郎惠雙鶴并詩次韻

家養二鷺潔白可玩以酌行儉雙鶴之惠

送王晉明還金谿

送王都御史使河南

觀吳閑之所種五色薔薇

和錢檢討遊海印寺之作

過虞美人墓

重遊白雲觀分題作

夜泊邳州城外有懷呈同行諸公

寄示徐祐祺三子

送劉傑給事申赴雲南閱兵

石佛寺

過駝馬臺

挽趙御醫

題滕王閣圖二首

北京八咏

居庸疊翠

玉泉垂虹

大液晴波

瑞鳥春雲

前門烟樹

西山霽雪

盧溝晚月

金臺夕照

南昌古蹟十咏

滄墓墓

灌嬰城

梅真觀

葛仙壇

投書渚

寫韻軒

繩金塔

浴仙池

陳陶宅

蘇公圃

題陶毅學士對亭夜醉圖

蒙恩特賜歸省舟中奉呈同行退菴尚書

揮麈亭三十九代天師所居今西壁真人重構乃為賦之二首

送楊琛長史還吉水 和吳司業寄鄧林隱別詩

送童憲使寅還江西 送陳孟旦教諭赴江陰

送知縣梁頌赴什邡 送尹復道 寄少伴東萊黃公

早春楊尚書置酒閣中次少傅東里公韻 真率會

寄柴車尚書 贈別韓生 戲題猫犬相嗅圖

挽竹亭先生 送袁舍人忠徹扈從出塞 挽許公

對雪賦得光字

卷第五

七言絕句

題群雀圖 題鏡中墨梅

題雪天靈鴈圖宋王殿所畫二首 小池 題畫四首

病起 題曾侍講雲山圖 舟過高郵

題胡人獵歸圖二首 贈能書胡昂二首 題洛神圖

題彩鸞圖 題西野學士家畫竹幃二首 題畫

青山飛瀑圖 劉遵士南陽舊隱 梨花鳴鳩圖

崑崙曉發東葛城二首 淮安別回御史

辛安渡和舟人擢歌二首 題淵明歸去圖

王文安公文集目錄

王文安公詩集卷之一

男社編集

五言古詩

雜詩三首

庭中多嘉木枝葉相蔽虧上有雙飛鳥朝出暮還歸和鳴相顧  
眄乳哺得所依如何遠遊子泛泛東復西昨來京洛間今赴北  
海涯迢迢歷崇坂車輪行且遲重臺古所戒寧不悲路岐私懷  
諒勿念但悲歲月馳顧此三嘆息良會在何時

其二

秋月流光彩照我西南園露華含餘滋衆草萋以繁草間多鳴  
蛩竟夕何喧喧閨中有佳人俛默獨無言豈不興遠懷念彼君

子思昨朝相嬾婉今者隔塞垣飛鴻失其侶噉、徒高竊顧、  
失形影中心誓弗讓願如團圓月照君車上轅

其三

清晨登高丘迢迢望郊郭連山起層甍焜燿皆丹腹歌吹一何  
繁車馬日聯絡翩翩遊俠兒姿態紛倬約輕裘巧粧束珠貝相  
間錯侈心儷金張壯志凌衛霍豈知幽閨中居者恒寂寞掩形  
無完衣克飢有藜藿貞心益自厲容色日銷落塊然獨囂、其  
為所衆薄

經靈壁行野中作

驅馬歷長坂迢遞上高原荒野何蕭條蔓草與荆榛道逢一老

人悲慨為我言家本行江住百口事田園自從徙居此綿歷十  
寒曠往時被兵革死者盡啣冤遺軀幸未殞感激荷天恩我聞  
重悽惻欲去更回旋四望飄風起孤兔泣我前悲歡嘆入事淚  
下忽如泉

臘日賜宴後車駕狩于近郊有作四首

重陰霽嚴冬臘候戒芳旦初暘麗晨光禁闕餘寒散賜酺開廣  
筵酌醴泛瑤琖獻酌終以三大禮敬而簡臣工再登歌金石韻  
相聞回詠既醉章夷猶頌雲漢

其二

應候協靈祉垂慶在天家聖情靡逸豫順此時令嘉駕言狩原

野列帳樹高牙旣欣百物萃輜輳非所加三驅肅有度萬衆歡  
無譁追彼岐陽蒐安事上林卒

其三

群醜斯大獲委載在中厨肅將薦明祀蜡享禮何如昭茲古遺  
典所以報其初淵之伐我鼓壘之吹笙竿神懌乃戾止福澤沛  
有餘永春

明主德以庇生民居

其四

昏中尚在壁斗柄將指寅

皇恩及時物歲終息萬民大難逐衆厲緩獄昭至仁擴此天地化

以迓歲事新叨榮一何幸休沐在茲晨申章頌明德肅穆禮  
宸

登北門外古城

朝出北門道下馬登古城循步歷幽險墉堞半欹傾其陰何蒙  
密蔓草與榛荆野鼠時出沒狐狸亦悲鳴騁懷忽悽惻游目極  
窅冥群山東際海遠勢與天平魯交絕孤雲浮沙漠終古情慨茲  
乃故跡昔者勞經營形勢猶突兀人事歎凋零孰云金湯固慎  
守湏兢之憑高一長嘯壯心徒自驚

六賢詠 六賢皆金谿人元時金谿多文雅之士能謹行謹  
保名節者六君為最若待制黃公已載元史餘皆闕焉乃為

之詠

黃待制諱喟字殷士從學吳文正公以薦為淮南行省照磨累陞至翰林待制天兵破元都殷士躍井死

待制本儒生素心亦何烈臨危仗孤劍誓死以徇國奮軀入重泉正氣浩充塞蛟龍為悲吟入地慘無色殺身良獨難求仁義斯得

劉集賢諱傑字良甫元壬午進士除新建縣丞宜陽縣尹奏課為天下最累陞中臺御史又六遷至工部尚書集賢學士以數言事擯斥不見用乞骸骨歸隱宜陽山中未幾元亡

劉公廟堂器制行超群儒學遠陟華要南替多謀謨解組值衰暮歛歐返長途全軀效子容知止儕二疏周詩詠明哲清風其穆如

陳澠州諱介字彥石錄事昇之子也第進士為澠州同知元亡易姓名遁歸故山卒

澠州事文翰景範肅前規一命才未究惜哉時已危悲悽返故域凝睇掩荆扉薄采南山蕨首陽飢遺生竟誰待視死乃如歸

葛都事字元哲元戊子進士為興化路錄事累遷福建行省都事元末航海書論時事不報竟死都下門人私謚

曰文貞先生

文貞尚儒雅探索古聖經蜚騰冠群秀久為幕下英秉桴重興  
艱道在時不行慷慨力陳言沉寘獨撫膺未能效仙尉竊自比  
仲卿

王博士諱彰字伯達第進士助教國子陞博士與危素曾  
堅同時相友元亡還鄉里卒

伯達負奇操肅然佩珩璜守官非徇祿蹈世嘆危亡鳳凰本靈鳥  
其鳴待朝陽頽光不足惜振翮千仞岡耻彼鷄與鶩飽食下朝  
翔

朱徵君諱夏字元會師事吳文正公文章純雅豐麗累

不仕有鳴陽集傳于世鳴陽所居里也

鳴陽有仕主金玉罷顯躬襁從先覺琢礪  
到揚馬避其鋒懷寶終不售抗志靡他從勉遵聖訓固守君  
子窮

早春黃御史宴集分韻一字

高城大道華館耀初日嘉木春始榮枝葉青未蔚上有雙鳴  
鳥嗚求其匹感我同心人諧茲素情密張筵列廣坐賓序咸  
有秩湛爾黃金壘旨酒香且溢烹羔膾鮮鯉羅列雜棗栗具食  
誠於德意乃實終焉屢安酌敵既醉禮無失古人重燕飲吹  
笙鼓琴心小子忝末交受眷常備慄結勤當合心守道貴純一

貽君平生言方茲履貞吉

袁太常閑居詩次少師姚公韻

志士何矯心與浮雲期若彼丹山鳥樊籠安可羈名雖領華  
秩跡已謝黃扉守道為全璞先幾乃知微未諧平生友皓首以  
同歸四休遂深契五十諒知非誰當繼三益我意終無違

夢遊華蓋山三首

危峯薄層霄屹立幾千丈企望不可攀凌虛忽飛上其陽耀  
光天路向蕩綺雲涵朝暎輕疾泛餘爽瑯樓疏玉繩翠  
珠網中坐浮丘翁群仙儼相向寶書經靈笈太素

三上之真境然貫道思

三天啓闔闔七寶羅朱幡彩霞結飛蓋丹壁煥雷文忽降靈啟  
響天花自繽紛紫雲縷引步飄搖凌紫氛俯視八極際秋毫一  
崑崙世人如浮埃何以生論

茂松被廣崖理草合飛翠周游玩群芳垂佩何綺拖太容无我  
行洪崖最後至子長工母拙軒琴高鯉相顧一長嘯飲之若  
有意被我天孫裳爛然五色綺坐我丹霞屏餌以瑤瑤葉含英  
馨香發其芳似蘭芷為言服食茲引年比松子

吾丘老人壽詩

南山何盤、高興浮雲齊松栢鬱以茂中有為鳳栖樂只此君  
子濔々世所遺黃髮垂兩肩方瞳橫素眉飄然曳長帶輕佩素



羅衣嘉晨屆春候陽光麗且熙親友迹相慶列坐俯前墀四面  
琴清唱彈箏復吹篴杯行情弥至意肅禮無違一飲既屢拜再  
飲傾百卮奉此千金壽以為百歲期仰視狼北星爛然有光輝  
光輝下臨照福祿永所脗等彼喬松輩道暹復何為

徐王墓祠

蔚々嘉木秀陰々覆崇岡高陵起數仞冠劔久閔藏神靈毓  
壤至和昭百祥沙麓表竒瑞仙蒲吐芬芳允符坤珍秀儲社又  
弥昌追惟本原德胙土宜大邦寢祠既宏麗像設何輝煌松承  
告工祝秩祀固有常詩人詠勿替慶澤垂無疆

贈胡澗給事中遠遊和韻二首

素稟絕氛垢皎然高世姿清機發妙唱文化安可期深幽想  
汎朗雅睇感池婉變垂華珮凌厲欲何之必逢安期生未覓玄  
景馳疑神詣真趣結好籍相知若舉冲霄翮令我倍嗟咨  
丹旆揮陽景芬芳碧雲間長衢俯層漢遙海限三山中有尋仙  
侶日夕自忘食此道如可得相與共正攀

送許生別兄還南京

翩翩遠遊子靡々垂華纓結歡未及終迴軫駕脩程分飛懷四  
鳥競秀美三荆昌榮值良旦惜別申至情方春茂時澤運赤陽  
德亨君子履大道行當躋顯明企遠先自邇耻卑高乃升萃和  
發其體吐芬揚耿聲玄晷無停運容華亦易更鳥或樹嘉標勿

為離別嬰

扈從至中都二首

元政失其綱，變風日已熾。群雄尚虎闔，海宇亦冥晦。明之我  
 聖祖，陽德與天配。乘時履軋，符策耀開草。昧提劍度長江，英賢若  
 雲會。南收漢與吳，北取齊魯代。鯨鯢就誅剪，羶穢息蕩。酒姓若  
 塗炭，民思若時雨。帝人勳斯有成，表視無外煌。帝王業樹德，豈在  
 大殷湯。始自毫漢高，起豐沛。肅穆瞻此都，神靈赫然在。  
 長淮日東馳，衆山驚西北。重城壯且麗，飛觀高百尺。  
 聖祖昔臨幸，玉帛朝萬國。酒酣歌大風，天威何赫々。今我  
 神武君，昭々嗣宸極。變輿斯蒞止，柝石森衛。胡匪徒事，逸豫一在

大孝德龍禮加老倪溥及以息重光益宣朗繼美詩無數所  
 漸載岳車深抱素食責興言公王特唐歌思戒勅

駕至東平望祭恭

王禮東巡守秩祀致嚴恭懷柔既溥徧况茲五嶽宗鴻厯興深  
 廣亦米何昭融聿脩精禋薦稷之遠淵衷玉帛既消潔犧牲滌  
 且豐馨香發明德誠意乃溶通維神斯愷懌景命自天崇昭々  
 有申錫萬福集聖躬

出金鄉十餘里溪行與汝敬正安臨流賦詠有作二首

清溪下千尋，皆々深且阻。碧色含華澗，蒙茸被迤路。解纜投石  
 磯，息馬養其澍。泛々濯清波，冷々條初暑。輕雲燁以舒，解纜

而度緬彼沂上遊飄搖正春暮

時景自燃朗溪渚一何幽崇阿隘中止迴岍激奔流密藻繁  
帶纖鱗沫且浮忘形肆周覽恬蕩意所投衆心役塵累無乃徒  
外求旅泊苟自適於已庶無尤

遊白雲觀訪長春宮故址作

以蓬萊山在何処六字為韻

朝旦出南陌驅車安所從弭節臨崇坂逶迤上仙宮茂松被溼  
路古栢蔭高甍陰森蔽草蔓亂葉何蓬々廣除院深覩窈與丹  
芳通虛明閎霞彩窓端煥玲瓏其中學仙事利化安可逢悵然  
企遺跡幽思結鴻濛

臨高忽長嘯四顧獨徘徊前有巖々石云是仙人夢如何未干

載零落生毒苔舟々浮雲馳湛々清淵洄物理無停機曷度迷  
相催誰能煉金石有歲返嬰孩

與至情所媚道遙神自歎自守以恬適於物庶無患宜々觀大  
化然々誠其端輕々歟然來清沁渙微瀾瑒藻揚華采朱徒照  
綠蘋飄若玉喬葦婉變在緱山一土理華音并取鳴琴彈餘音  
何々々遠振白雲間

予生懷古初心與玄默會還聞崆峒仙舉袂寒廓外遺世形曷  
存萃羨神獨在於斯豈不慕夙稟誠寡昧晤游竹所從省已思  
匪憚山高衆土積海百川匯累微功以成含弘德乃大因茲  
味道言持以冲虛戒

迢々望京野，瀕々走洪河。群峯翳西北，遠勢鬱嵯峨。我豈無巖栖，士樂道慕丘。絢思欲往從，之路遠，柰何俯覩堦。下蘭翠葉羅，丹葩採以遺。所思盈々別，思多山川信難越。歲月亦易過，何當展良遊。高會凌太華。

坐久烈風起，翳々日將暮。傍有歸林鳥，哀音一何苦。感此獨游，徨悽懷昔遊。處荒哉，瑤池會，邀矣三山路。不如臨高丘，舉爵空茂樹。其茲嫵婉情，以與神仙遇。飄飄詠而歸，此意在千古。

紀聖德詩四首  
永樂丙申九月西南夷貢獅象熊豹土物之類，聖訓謂遠物不足為寶，歷舉前代奢侈敗亡之，以示警戒。恭聽德音，是紀其事。

皇天降寶命，昭哉帝道昌。雲篆承眷，弥重赫奕。洪化揚醇和，育萬類。八表熙春陽，文豹來西壤。馴象出炎荒，狻猊擢五采。熊羆熙紫雪，霜旃以百寶。獻孔翠與琳瑯，駢然荷檀者。俯倭皆卉裳，稽首拱且舞。厥貢脩其常，惟我

神武君，敬恭無怠荒。有詔却弗受，重彼遠梯航。置之亮前廷，方以厚意償。乃知溥恩德，豈但此戎羌。

赫々我聖君明々，宣德意兢々，謹天戒所戒。唯奢侈物玩，不敢基治極安。足恃遭灾，宜自脩。因端勿矜美，衰微兆龍象。示警觀雉，周葵非所受。秦鹿終窟窟，逝在古有明。監往轍不可履，嗟我眾君子敬。

慎于爾位進言惟格心崇功乃由志益勵忠與勤庶幾弼予治  
大哉此謨訓英詔相並比豈徒範當時足以詔萬世

天地蓄寶物神靈秘其輝一朝揚華采珍愛乃所宜大君守以  
道欲淨百志熙視物不為寶垂鑒以為規君尊必示朴待著先  
慎微今我

神聖主不玩耳目奇夏后去矜伐商湯儉自持永惟雕璫戒石金  
惜所施紆財豈為國乃以早黜黎所愧文墨臣受命增惕我康  
歌未能效伐檀誠可譏

初日照丹闕高凌中天湧雲郁紛敷光彩何爛然瞻依近  
座肅穆仰

聖顏繹々綸音降朗々日星懸堯咨舜都俞懿哉道德宣允符執  
中訓尚鑒無逸篇豈溘不虞食亦且靡遊畋小臣荷恩眷感激  
寸心虔朝廷無乖政書疏復何言願此慎終始垂法罔後愆

度清流闕觀趙太祖馬跡有作

雄關屹層々兩岬踞如虎路逕中詰屈危石抱古樹下有百丈  
流驚奔日東注壯哉此山川天為設險阻南來障江淮北接齊  
與魯雖無虎牢隘可儼金城固臨高躡遐矚眷言懷往古英雄  
事戰伐赫々趙宋祖輪蹄載遺蹤草蔓迷野戍時方際亨泰何  
事復用武驅馬去悠悠々不待鷄鳴度

觀大將率師南征

帝命重九伐天威肅三軍受服既成禮啓行戒嚴晨鳴鞘靜馳道  
推轂向城闐萬馬逐飛電千旗簸層雲鼓聲何聞之殺氣亘蒼  
昊王師本無敵廟畧今如神專征既有命密諭在所遵方當厲  
武事實欲拯斯民肯有先寡弱斬俘惟不仁邊隅諒清肅振旅  
行逡巡吉甫有遺範方叔著茂勳炳耀繼前軌報功在明君

胡祭酒洪崖山房二首

名都壯且麗茲山獨崖覓斗宿逼陰壑陽光耀高匪飛雲蔭其  
下窓牖玲瓏開中有一仙人振策謝浮埃餌以黃金丹飲以紫  
霞杯出入乘虛無長嘯去不回翠蘿窈石林壘草野空塔結茅  
相因依我心何所懷藏書遺子孫托友種松梅素願乃如此瞻

蘇獨徘徊

巖阿有佳木偃蹇枝相樛凜然冰霜後翠色一何稠君子佩金  
章年高德彌優朝登承明署夕翫壁雍流光儀日以著素心匪  
外求樂此桑榆暮春彼林壑幽朗詠淮南詞疑思天台遊恬熙  
固無慮經志在貽謀乃知平生意曠達亦何憂

送王編脩覺非致仕分韻得千仞二字

躋仕列華要懸車及高年南歸何迢遞道路幾五千殷勤遠相  
送憶昔重罔然先朝多儒碩濟々列講筵晨星歎零落歲月屢  
推遷仰惟儀刑在可以淑後賢復此賦歸歎旌旆行翩翩臨分  
謾舉杯叙別且留連

蕭々黃華飛肅々涼風振玄蟬咽斜輝白鴈傳霜信飄搖歸興  
多曠望家林近文水淡蕩流螺山起千仞長吟草堂中金石振  
清韻况有雙麒麟列侍摠才俊聯翩綠衣舞瀲灩金杯進祝壽  
如喬松歡樂殊未盡

送少傅建安楊公扈從巡邊分韻得禮樂二字

治世昭武威時巡重邊鄙高秋灑氣澄吉旦九門啓龍輿斯啓  
行馮牙肅成禮虎賁踰百萬旌旆亘千里伐鼓鳴金鉦蕭々北  
風起惟公實師臣機務皆託委承恩扈仙蹕豈但親黼衣安道  
富謀策至化資燮理

迢遞雲中城瀝迤連朔漠鳴鑿既泣止將士何踴躍望風款我

虜入夜無警柝閱武臣大吏漢肅肅水岳公惟效勞勩貧貧  
帷帳雜禽酌大斗萬衆胡不樂鳴鑿復吹簫競奏軍中樂緬彼  
車攻詩歌諫當繼作

題漁父辭劒圖

大江浩茫々天險不可踰臨流者何人壯哉一丈夫抱怨脫楚  
國投軀赴東吳追騎疾若箭四顧呼幸濟漁父捐馳騁登  
前途腰間有寶劒自鍊山錐銀解贈聊相報言別敢躊躇此父  
何慷慨燕乃避世徒縈々凌風波取適江與湖竟辭一劍惠寧  
愛萬石富返棹忽已去飄若水中鳧世情有離合朝旦與夕殊  
貧賤誰堪托富貴公相國安知鼓柁者素心不可汚





后車攀起嶺玩夙聞此地勝未得窮躋攀聖恩賜休暇三日有  
餘閑策馬出西城迢遞睇層巒我友五六人與軼浮雲端欲登  
萬仞頂俯視八極寬

經行歷郊虛未覺去路遠方春雲未消土壤斯沃衍平臯安已  
青遊圃並堪剪撫景良可娛茲遊頓非淺解鞍暫延佇此意豈  
云倦行々復振轡磴道依山轉孤塔倚半崖惟石多荒蕪相呼  
却下馬緩步登絕巘

中峯何壯哉形勢亦險峻巖窟構禪宮不知自何代棟宇今時  
新因舊稍增設青蓮座最高具葉經尚在時聞法樂響似有天  
花墜地滋慳惜黃飯日窮勝槩天垂遠海際雲度飛鳥外微茫

### 萬象殊告蕩乾坤大

僧分既少憇登覽興未終尋幽復東行山逕微可通攀緣下絕  
壖鈎衣多棘叢隱々見石巖香霧晝冥濛登巖再歷險老衲欣  
相逢延客煮芳茗坐石倚長松遙聞澗中水鳴玉聲琤々頓覺  
心境靜萬慮為之空

巖池波澄々冬夏清見底其中蟄靈物其上多雲氣傍有雙古  
栢枝葉何蒼翠招提正相近輪軸亦寡至徘徊更周覽幽巖殊  
異意得松下峻阪欲去行復止携壺酌田家劇飲無盡醉歸途  
且詠不戒宜緩轡

### 陪祀皇陵

聳々企靈宮，望神馭祠官。嚴駁奔宗伯，翼禮度於此。禋薦  
誠重慰，皇心慕豆遠。既以陳登歌，問鍾鼓。紛敷祥烟繞，恍惚百  
靈助。揚然俯仰間，宛若黃璫覩。周室崇三后，陟配于帝所。維孝  
斯來，豐泉共我。

聖上繼序，今在茲。永言嗣神武。

大學士楊公朝房對菊二首

退食得休暇，肆情匪遨遊。真虛公所止，於此謾燕休。四壁敲  
檣中，私若虛舟。惟有庭階下，黃花一何稠。絮々疑曉露，亭々  
素秋。公惟愛玩之，相與為好仇。

颯々秋風清，芳容淨氛垢。興來謾採頰，公意良已厚。高歌

詞同飲淵明，酒所欣盍朋。簪豈惜酌大斗，歡諧咲詠時。禮爾  
醉後吟，彼流俗徒此樂。殊未有

寄傅憲副克已

持節登外臺，懸車返林丘。中懷絕塵累，安居復何求。西山高  
嶺，增長見雲霞。浮其陽時華構，嘉木一何稠。上有好鳥鳴，下有清  
泉流。坐石彈素琴，臨湍垂釣鉤。心閑意自適，可與仙者儔。我  
爾摘微祿，莫獲從公遊。徘徊獨南望，悵怳心悠悠。

送陳知府分韻得吐字

時雨降初夏，微風條煩暑。池荷葉已齊，園葵花半吐。悵別惜芳  
辰，携壺艸出祖。遙瞻雙旌發，遠歷萬里路。州人正相望，所願

五柝去々當疾馳毋令歎遲暮

將進酒送蕭布政

將進杯中酒為公解離憂願公且酌酒去馬為少留公作大藩  
使位得古諸侯腰橫文犀帶身披紫貂裘位高信可樂寵三  
無憂願公且酌酒萬事醉即休人生視流景駛若川上流昔時  
俱少壯今者將白頭良友欣會合何以為好仇願公忘寵辱持  
已慎且周庶幾奮忠赤顯赫宣皇猷再酌杯中酒相與進勸酬  
酒酣各分袂征旆行悠悠願公當重來永結霄漢遊

送羅必竟教官還昭武汝寬侍講汝敬之弟也

飛服振華珮高冠綴長纓肅々登遠途煌々趨

帝京良朋遂佳會兄弟喜合并携手臨玉署飄搖詠紫荆回轅忽

已駕神龜千里程懷哉日相望何以慰別情托交誼不薄行樂

長脰輕顧此敦懿德師道愈光榮三鱣有佳兆雙鳳當齊鳴相

期振羽翮矯々凌青冥

巽溪詩為楊長史賦

南嶺何岩荒下有清溪流涵々東南注日夕去不休滄海經萬  
折紆迴帶芳洲君子居其澗媚此清且幽早歲服華冠暮歲載  
歸舟素懷玩虛寂寓意將焉求願為溪上翁泛若水中鷗悠々  
百年內皎々嘉名留

題王徵士竹亭

達士秉素尚安居薄浮名三徵乃強就一命非所榮長揖賦歸  
來逍遙亦何營濯之澗澗竹蕭々林下亭高枝拂霄漢密葉敷  
前楹雨露答潤澤風霜豈凋零玩此貞潔姿不為塵累累身哉  
有斯人邈矣千古情芳躅諒難繼我懷其曷勝緬彼陶元亮庶  
可與並稱

### 大祀南郊

國典昭大祀精禋戒首正紫壇廓清分夜燭燭燄犧牲既在  
滌玄醴亦芳馨郁々燔烟樂哩々鍾鼓鳥奏各嚴對於多士肅  
祗承帝祗儼在上來享助百靈興陳秩有奕禮備斯告成  
宸心益賚々列象出寔々陳詩詠我將頌德仰昭明

霽月樓 王立字字行吾友宗睿之子進士芳之弟也好

學工文詞別作樓讀書其上暇則憑闌望遠以適其意嘗  
致書於予詞雅意厚且求賦霽月樓之詩自愧老邁且禮  
文事繁未暇為之而進士求之甚篤草々殊未盡意耳

高閣倚霄漢飛簷跨長衢開窓極遐眺軒敞興有餘遠岫橫翠  
黛層林帶清涼殘陽夕澄霽皓月升太虛光輝入我懷皎々如  
冰壺浩歌更徘徊慮澹神自舒嗟哉予所樂此樂誰能如何當  
賦歸來笑傲與子俱憑高馭天風遊覽周八區

### 題周懷中家景圖

群山列屏障秀色凌太空統山有清溪流水河溶々岸柳帶煙



國家圖書館. NATIONAL CENTRAL LIBRARY. TAIWAN. R.O.C.

綠溪蓮映波紅彷彿瀛溪上芳草紛茸、對此聊自適  
清風為君發高詠此興無終窮

王文安公詩集卷之二

男祐編集

七言古詩

元夕分題賦得紫陌笙歌

九衢張燈明月圓千樹萬樹開金蓮半空錯落星斗懸芳塵不  
動車馬闌燭龍含光吐青烟繡簾香霧凝花鈿紫衣分隊紅錦  
纏兩傍伐鼓聲淵々吳絳蜀桐飛響泉輕擺慢村金石宣嬌歌  
欲動雲鬢備朱唇玉臉花爭妍轉閃灩索何冷然鳳凰斗浴丹  
山巔暈雲繞翠息渺綿此曲無乃高唐傳

聖皇在位御九天歡樂已極昇平年都城萬戶羅綺遊我亦扶醉  
揮琴鞭觀者疑是瀛洲仙

送胡學士扈從北征歌

龍沙萬里黃雲薄邊塵驚飛雪欲落城頭月暗鳴笳折殘胡虜  
梁逞凶雲

天子親在殄渠惡十萬旌旗巡朔漠熊羆桓桓皆衛霍突騎連營  
如虎躍其中籌謀侍帷幄學士文章兼武畧腰懸寶劔明霜鏑  
解却宮袍衣狐貉玉駘轡維青綵絡茫々塞草沙泉涸紫駝夜  
吼陰風作震雷碎鈞嚴鼓鐸號令馳神兕卻虜騎聞之心膽  
愕百萬勦勦就微索破圍不用金刀斫期門放歌動蕭勺猛士  
縶弓半橫架銀甕葡萄御前酌酒酣更賦從軍樂是時三邊盡  
拓天宇清明戾鷓鴣落日連營收萬幕歸馬揚旂耀郊郭文

武功成賜勳爵獨步金臺膏寵渥石室細書多筆削夜看牽星  
動象前萬丈文光照山嶽

胡貞婦歌

陰風獵獵吹秋草寒雲盡覆城邊道城頭落日動鼓聲嬌婦哭  
聲々更悲憶昔良人當遠徙驅馳只願同生死朱顏未老竟嬌  
居可憐命薄應如此仰天大慟腸肝裂雙淚橫流盡成血孤嫠  
不顧一身存絕食寧捐三寸舌從容引訣意自如聞者痛悼長  
歎歐古戍蕭條殘角起寒月欲墜窮猿呼夜深恍惚見精魄萬  
里悲悽歸未得蒼天慘淡若有情野日荒涼黯無色昔年流落  
惟孤兒昨者負骨來東歸高墳嗟峨環碧水松栢偃塞凌古祠

祠前烏啼山寂々時有行人看石刻嗚呼貞婦死不朽世上紛  
紛徒白首

畫虎歌

趙生畫虎世所無今日始得觀此圖空山蕭條百草枯天寒一  
虎怒且呼雙睛欲搖電光赤牙如利刀爪如戟揚威吐舌意自  
雄長風吹山撼危石山中有獸皆悲鳴但恐飢餓相吞併林深  
藜藿誰敢採谷靜白日無人行誰能彎弓挾強矢為我一發令  
虎死殞傷生意雖可怜怯勇暴物人皆喜嗟哉暴物古亦多貪  
吏如虎嚴且苛從來網羅不能盡細觀茲圖持柰何

畫牛歌

高原沃野春草青牧童騎牛原上行淡烟溟濛初雨歇千樹萬  
樹鬱鬱鳴蒼々風景自朝暮爾欲鞭之向何處牽車誰借道路  
遙風草曾結征戰苦今逢歲稔民不飢力無所用身更肥平沙  
淺水足自息一似飛林春畫時

清風軒歌

都城樓臺十萬家家競種桃李花沈郎雅志出流俗昨者開  
軒進種竹誰言此土竹不宜移根只在西山陰滋培多藉雨露  
沃擬枝不受風霜欺初來數竿亦蕭洒終日相看豈能舍近時  
新翠皆拂雲已有繁陰蔽炎夏炎烟溟濛春雨晴但覺颯々涼  
風生飛泉遙送萬壑響雲霧縹緲向中夫嗚呼之自可清心耳滿



塵蕭森來來氣現池時色涵清漪書幌寒光搖翡翠相看已覺  
塵慮忘恍若七澤連三湘長竿未可隨烟水密葉終須葉鳳凰  
我生愛竹真成癖此意世人那解得便當開徑招我遊與君對  
竹為三益

陳所翁墨龍歌

所翁畫龍稱絕藝真跡流傳人所秘此圖忽覺在眼前看來便  
有飛騰勢想當昔者下筆時黑霧慘淡陰雲垂淋漓直與元氣  
會倏忽變化皆天機白波如山起空外頭角呼嗚呼盤迴  
不獨在深淵鼓舜徐看卷滄海沙飛三足此下休休盤迴  
中沉龜鼉魚跡蛟蜃噴瀟陽疾欲避天只只為為神

人欲見應難得曾聞化劍躍鐔津謾說飛梭出雷澤所翁會  
能通神平生喜為龍寫真古稱妙手張與葉此畫奇絕應堪論  
掛之高堂君試觀瓜甲猶能攫雲霧慎勿令人更點睛夜深穿  
壁知何處

題陳璉憲使所畫山水歌并書以寄

滁陽太守頭已白今作外臺駮馬客平生最工畫與詩名煥言不  
減唐王維此圖妙絕忽在眼半幅生綃意無限上有崦嵫岩萬疊  
峯下有紫迴千丈澗峯岫長含太古色澗水微澄遠天碧林深  
路轉何處村琴瑟人家在阡陌鳥啼花落秋復春野橋草長連  
柴門經年車馬應不到盡日鶯喧那得聞長江三峽奔且流巫

山十二橫高秋別來已近二十載忽見此畫心悠々亭端畫水  
清如水滿座爲山志雲氣安得爲我發天機更寫長江千里意

趙魏公畫馬歌

魏公戲筆多畫馬筆法從來勝曹霸忽然見此兩馬圖魏公妙  
筆知無價一馬白色一馬玄氣色淋漓含風相長鳴奮鬣蹏  
且斂翼官欲鞭不敢前昂藏八尺如龍勢爲臆開張尾垂地未  
驟先看汗血流乍騰已覺天風起昔我攬轡度陰山六月飛雪  
飄征鞍殘胡迅掃今已盡神駿無事歸天閑房星照夜光如練  
披圖恍惚看飛電自信酒垆萬里途時平應喜無征戰

郭純畫鶴歌

昔年畫鶴妙入神陸公遺墨世所珍後來作者多意態豈能爲  
一兩青田真近時邊家稱絕藝粉墨淋漓多古意此圖忽覺在眼  
前郭生妙筆嗟奇異喬松千歲枝已枯龍鱗剝落半有無枝頭  
雙鶴相並立似欲相顧仍相呼丹砂爲頂雪作羽淡抹玄裳更  
清素縹緲秋空一片雲長留絕壁孤松樹骨實甚々露氣清尚  
想振翩凌青冥滙池萬里霜華冷亦豈孤舟殘月明誰能跨尔  
尋仙予閒坐巖山月明裏題詩不竟惆悵多九臯聲斷天風起

雲松軒歌

余持軍氣如虎少年好文仍好武別却雲松舊隱居仗劍辛勤  
事明主弯弓走馬膽氣雄獨行射虎南山中由隨上將平驕虜

一身百戰當前鋒功成不於人所愛之邇來作官三十載太平無  
事官亦閑風流文雅依然在別向城南開小軒市遠不聞車馬  
喧護種青松如舊日還睇白雲思故園故園遙隔巴江水風雨  
烟波幾千里望中縹緲雲氣來座上微茫翠濤起將軍對此獨  
有情心如鐵石髮如星天寒草木皆摧落軒前松樹猶青青

高山四皓圖

吾聞高山四老人乃是秦世之遺民一朝遁入山中去何事終  
身甘隱淪是時秦皇御寰宇法令煩苛暴如虎儒生既坑六籍  
變黔首悲愁盈道路渭川水遠咸陽城流水猶如帶哭聲律武  
四老乃何似可若鴻臚宮青真長松落之埋草綠亂石蒼之滿

幽谷採芝一曲意脩然不覺人間榮與辱漢家書幣遠相招忽  
覩衣冠未入朝皇儲既之還山去東許安能事帝堯丈夫全身  
保名德四老高風那可得看圖西望意無窮高山雲外千峰碧

橘井圖

桂陽之山摩蒼穹若萬壘青芙蓉昔時隱者蘇仙公千二百  
歲頰如童結廬山中深幾重庭中橘樹何青葱根頭蠶井窺氣  
鍾泉流深與江海通上有枝葉紛蒙茸下有變化之蛟龍四時  
玄雲弥太空陰覆石甃寒如冬鑑光澄徹黛色濃絕勝玉盤  
梧桐仙公妙術那能窮摘橘之葉投泉中飲者一勺疾可攻平  
生濟世多陰功忽然飛步凌高峰青鸞白鶴紛相從朔朔萬

起鴻濛至今仙井留遺蹟翠葉密覆蒼苔封額即貌備神氣  
學仙莫與仙人逢謾託毫素怡心胸明當問道凌崆峒引泉  
楠神化工再與世上蘇疲瘵

丘氏三節祠

若溪之水日東注驚波渺々無人渡嗟哉丘家嫂與姑同時死  
在波深處伊昔元季兵戈興四鄰豺虎何縱橫食餽無厭肆吞  
噬老稚驚奔無以避可憐此嫂與二姑驅斥旬司登長途仰天  
大慟淚流血誓欲全軀守貞潔行々把袂奔且馳嫂躍入水姑  
繼之九淵涿漫奮身入貞魄下許馮夷泣雲霧黯慘天無光  
龍悲吟白浪立世稱二節以無下成人間烈女大矣

清秋夜照溪水清橫細流 溪水湯々去不怠行人過者

悼惜遺棄節義可感入作詩擬刻苕溪石

送吳太僕還滁州

廣陽城頭風淅々城上何人曉吹山落梅殘雪思無窮且兩方  
算送行客々行南望滁陽山歸心只在白雲間少年作官愛山  
水世上幾人如此閑楊柳春深漏如野首宿秋高放宛馬耶  
入親九重天今日辭歸趁閑下悠々別也將奈何離筵更起  
君歌酒闌歌罷倍惆悵君行幾日到淮河々邊見月應回首  
合思君清更多

送彭秀才從大將軍英公征太仆

春雲欲雨半成雪疾風吹衣冷如鐵平明師出將軍行城頭  
高鼓微咄將軍自昔膽氣豪身經百戰不辭勞前年破賊  
交奏凱歸來功最高去年從征斬驕虜今年又向南交去  
賓從多賢良帳下諸軍盡貔虎豈知本是西山人少年今  
中賓拂衣仗劍來別我慷慨南行思致身畫舫紅樓照江  
流故歌北風起魚龍吹浪度三江旌旆連雲亘千里炎州  
暮春餘銅柱山高有故墟余戈鐵馬經行處瘴雨蠻烟盡  
瘴瘴滿地花開徧邊人更說將軍面將軍令出誰能  
詩雖如電知君際遇在斯時會見功成日下  
故出江南老布衣



起處請君看此意若何細紋疊殺生迴波為君採擷  
可憐脩清廟裏古人玩物非玩奇今人此理那能知  
乃獨得滄之中心應潔白蔚然文藻何所施五采行  
溢城過鴈歌送蕭使君

潯陽峯我百丈城之頭江流日夜聲北風吹渡  
高悲且鳴數行群飛來復去幾聲嘹亂如相語  
時商人漁子停舟處烟波極浦何茫茫誰抱琵琶  
有江邊月照影聯翩去路長君行遠赴三湘地  
里路到衡陽鴈却回傾君早寄相思字

賜觀燈午門應制

金門九重凌紫霄春陽初融雪平消神齋戴山鬱岩  
出滄浪潮上駕垂虹千丈橋去天應無咫尺遥  
喬珠穗如星綴萬條五采間錯黃金描織女之錦蛟人舞鶴翔  
舞鶴翔輕颺戲引翡翠巢南宮飾以金玉蓋田聖天機  
琢雕中有寶炬丹光耀燭如祝融輝赤燦翁赫瑞氣  
與壁月流清宵大容洪崖相格敷輪乘風何飄颻  
雙吹簫忽聞鳴鑿揚玉鏡仙輝下警無喧囂大開丹閣  
文有斐奕武嫖姚白璧為珮金為貂仗前觀光戎與  
息安敢驕看呈舞隊捷且遙就中得雋揚錦幪吹笙  
歌舞嬌賜酺先令及百僚葡萄香滿碧玉瓢醉歌湛  
露平杓萬里

澄澈無氛妖老翁戴白兒垂髮逸手齊效康衢謠小臣幸得  
咸韶傳柑拜拜息意饒求頌

聖德如軒堯天長地久玉燭調  
題韓混畫田家移居圖

晉公磊落真才賢出入將相三十年平生最善書與畫不在張  
顛鄭虔下世間墨跡人所珍購之豈惜千金價忽觀此畫誠絕  
奇寫出田舍移居時天寒草木摧落盡萬里漠漠孤雲飛一翁  
前行曳黃耳一公羽奔馳最後至其間兩婦形容枯槁寒騎生  
復止旁短髮嬌癡兒還驅小犢相追隨闔門老稚五六口  
向道路何將之後來田家最辛苦把耒耕耘種禾黍秋成僅可

給朝醕歲歉寧能足和賦况當貞元戰伐餘豈但官中窮錙銖  
四郊豺虎猶啖食百萬黔首皆逃迹携家蒼遑去鄉里畫中此  
態應無異揮洒聊憑慷慨情危疑敢達箴規意嗟公清德誰能  
如崇不願均疲瘵憐甦當時陸贄若見此請公更作豳風圖

溪山秋意圖

群山聳拔當晴空山色入畫如芙蓉烟飛霧歛萬壑淨溪水不  
溢波溶溶山迴峰轉溪橋路獨有孤舟橫遠渚望中杳藹不可  
窮地僻林深是何處九疑紫翠連三湘碧水渺山蒼我曾  
鼓棹覽奇勝八月雨霽天風涼別來此景今何似對畫難忘昔  
時意題詩轉竟秋興多白雲一片家千里

臨高臺送錢僉事入關中

臨高臺何壯哉滄海東注太行西來山川險固城闕崔嵬日  
照耀星漢昭回曠視萬里無纖埃與公相逢且徘徊臨高臺  
欲去跨青驄持玉斧旌旂何翩翩西指秦關路我欲留公不  
住臨高臺與公別公何疾驅駕無歇公有貞心勁如鐵鋒稜  
彼豺虎孽公之蒞政人所悅臨高臺我思公寄公何所持折以  
南山松之枝四時色不改後凋之操公與同願公長對真之懷  
袖中臨高臺重相思望益遠公益馳公其重來諒有時朱衣白  
簡燁以揮進以華秩登玉墀與公聯步日委蛇登高滿飲黃金  
卮人生會合定有期何必臨歧歎別離



欽和御製元夕觀燈詩 永樂十三年

聖皇魏之功德隆駕馭海內英輿雄職除群姦大統正汎掃沙漠  
相慶空續承

太祖萬世業朝政清肅功德崇光華昭灼際八表煥若日出扶桑  
東迨蹤唐堯及虞舜媲美夏后無殷宗諸夷皆首悉款伏百辟  
祇謹思奮庸朝廷熙明俗皞之郊野歌頌聲 颯上天大命益  
眷顧寶祚綿遠密無窮聖心夙夜愈謙抑加以兢惕蕪憂冲廣  
開言路求至治屏斥不肖旌有功憂民一念至深切視彼鯨鯢  
心所恫按時布令秋有序况值元夕春和融移來仙山出紫雲  
千仞蒼翠摩高穹靈符對此錫傲宴嘉樂正與華夷同致

落寶炬燦萬樹花照晴雲中輝煌漏助玉兔影燁煌不籍丹霞  
紅綺旒綵仗紛隱映有若錦繡堆成叢歌鍾冷之發清響夏前管  
嘒吹天風良宵宴樂豈易得信是千載明良逢宸章忽降自  
霄漢成屬百職攝精忠贊詠

聖德深所頌繪盡天地何能工永效嵩呼祝  
萬歲更喜擊壤同三農仰瞻宮闕近北極河山壯麗逾鎬豐嘉祥  
異瑞益駢集萬國鼓舞歌時雍

送少師建安楊公還鄉省墓  
春城雨霽花正開城頭車馬如雲來上公奉詔還故里持不  
公為公喜當今正值唐虞時

聖主端拱垂裳衣經綸翊贊寶舊德番々國老非公誰勤勞夙夜  
志匪懈敷歷已踰三十載視草長留玉署中論兵曾度陰山外  
君臣會遇非偶然自古輔相皆英賢商周伊呂作師尹功業赫  
赫垂千年公之德望冠當世力效忠誠任三事昭宣治化底雍  
熙主聖臣良有如此銀鞍駿馬青絲韁錦衣玉帶何揮光綢々  
南行多喜氣鄉間父老遙相望白鶴山高白雲起屢祝殫歲肅  
成禮孝惠一念雖不忘願公還朝勿留滯從來廟腳柱石不可  
無况公眷遇恩最殊重來定在早秋候對菊再酌黃金壺

海天高興圖為王太守作時太守已故矣

東南大海不可窮涵雲沃日浮太空潮光或湧雪山白蜃氣長



多古意空山天寒歲暮時忽見老樹花盈枝芳姿淺淡自可  
點綴殘雪香清暉河斜斗轉深夜靜窓外分明見疎影恍若羅  
浮來玉人夢回尚覺天風冷鄭君自是蓬萊仙對此清興何悠  
然閑吹玉笛弄明月更和古調彈朱絃慙慙索我為題句我爰  
函芳為君賦却憶鄉園久未歸萬里雲山緲向處欲招老守使  
與君扶筇踏雪尋故人泛舟直向江南去更寫西湖萬樹春

瑞鳥

瑞鳥出在神京表奇祥昭治平輝長庚煥金精化育而成形雪  
為其膚玉作翎整潔純美而娉婷既慈且孝性最靈返哺其母  
獨有情鳴不競噪飛不驚巢高枝薄太清啄瑶草食長生鳴集



昔歛跡鳳凰來為朋虞機術網不敢嬰盛來珮龍鏤紫璫瑞鳥  
翔翔今在廷瑞鳥在廷日輪之影同其晶炎於昭  
主運孝純誠荷天之眷赫々明々國以久安民物寧瑞鳥之瑞  
信有徵嗟彼斥鴳為神雀徒見解

祭親堂詩 王戎伯受為大同鎮撫初以舉武畧善騎射  
而授是職歲從大將能奮勇效勞勩

朝廷賜之誥命又推恩封成之父宗紀官亦填撫宗紀年  
高而康寧息命所昇赫然光華人皆以美相與嘉其子之  
貴而顯及於親也名其所居之堂曰榮親堂在金谿東  
之上王氏累世為守臣宗紀獨懷有志於人人成其神也

成弟容晉進士業其家方盛大未艾也成請學賦榮親堂  
詩為序其畧而系之以詩

東溪高堂何巍々堂中老親皆龐眉承家有子飽齋畧官為列  
校居邊壘

聖皇加恩及武將五色赤為譜顏龍捧老親拜拜受封秩頓覺喜氣  
生庭闈腰橫大帶衣錦繡戶列棨戟羅佳座開筵伐鼓你大宴  
敵壽春酒傾金卮親榮子貴有如此盡望顯赫昭明時勗武忠  
孝更兩盡斯堂百世垂光輝





國家圖書館. NATIONAL CENTRAL LIBRARY. TAIWAN. R.O.C.





王文安公詩集卷之三

男祐編集

五言律詩

早春侍內廷觀朝廷明盛恩澤滂沛謹賦四詩

二儀開泰運五緯發神光德叶璣衡正祥徵寶曆昌諸侯執玉帛聖主坐明堂誕布維新政深仁及萬方

浴水靈龜出丹山彩鳳儀道同堯舜日治比禹湯時命討咨群議司威洽遠夷還將畏天命戒勅共賡詩

嗣服昭神德恢弘繼大勳精誠格天道圖史煥人文選士登三俊安邊整六軍大紘文武畧惟我聖明君

箴戒存冊衆綸音下絳霄艱難知稼穡眷念及漁樵敬授初頒



曆鏗鏘�奏韶願同田野老擊壤頌唐堯

### 望鍾山

凌空開疊嶂鍾秀自乾坤控扼三江險憑陵五嶽尊虹光接海  
嶠雲氣護天門唯此蟠龍勢神靈萬古存

### 扈從晚宿夾溝

初雨過符離雲霞望欲迷垂鞭信馬去隨輦聽鶯啼山繞行營  
外溪迴帳殿西夜深聞鼓角天近月華低

### 露筋女廟

風霜存古廟過者倍傷神有土藏遺骨無家寄此身花開空照  
水草長自傷春斷臂誰家婦堪為此女隣

### 題酌泉齋

丹崖千仞表石竇瀉靈泉脉々逕通澗沉々遠映天分來經樹  
底流出到堦前一酌清冷味偏懷刺史賢

### 出正陽門望方山諸峯

拔地群峯起連天碧嶂開森如列五瑞正似拱三台草木春香  
發雲霞霽色來神都何壯麗卽此是蓬萊

### 贈崔將軍

久事嫖姚幕新兼大將權收兵出鴈塞走馬過居延寶甲明秋  
日朱旗蔽曉天行看斬驕虜歸向藁街懸

### 暮過倪氏草堂

烟嵐澄夕景卷慢對餘輝花逐微風落春隨細雨歸官閑宜避俗心靜自忘機更覓幽栖好鄉山願已違

贈周道者

千里望函關飄搖一夕還定知黃鶴去應不到人間鷄犬雲中宅烟霞海上山安期如可遇解珮欲投閑

贈伍子正還嶽山舊隱

積翠群峰出盤雲古洞深澗花老帶雨山木晚澄陰猿鶴多年別江湖萬里心還携謝安妓歸去一登臨

贈長安少年

年少五陵豪青袍赤練絛看花到洛下走馬出城皋白玉為弓

靴黃金裝宝刀逢人買歌笑深按醉葡萄

夜泊淮河北岸

曲岸風濤靜收帆夜泊舟潮聲隱月上波影帶星流為客獨千里思家尚百憂通宵曾成寐歸夢到南州

贈邊將

前年度青海一鼓破烏孫氣冠三軍勇身經百戰存論功先受賞報國敢忘恩豈似班超輩忠歸燕然門

送金諭德憲送征虜四首

三春車駕發萬里滅殘胡龍虎揚軍勢風雲布陣圖從臣伴樓  
莫兵法論孫吳破敵應無戰謳歌待獻俘



駐蹕燕山下分營瀚海邊春光明玉帳殺氣薄胡天擊鼓雷聲  
雲復旌旗日月懸恭謀有籌策前席屢承宣

帶甲軍容盛通霄羽檄飛安邊資武畧制勝伏天威王氣隨雕  
畫霜華上鐵衣單于心膽落指口受重圍

去凱揚歸旆歡聲動九霄帳前班虎旅仗外繁天驕萬里塵  
淨三春積雪消收功正帷幄未數霍嫖姚

贈南山上人

禪心久無慮隨處只看山偶逐孤雲去因隨野鶴還鍾聲秋雨  
外竹影夕陽間自覓清虛好僧房書不闕

送許子謨赴北京

舊日皇華使今為太學師文章可傳世異髮未成絲別整天邊  
去孤舟雪後移還從廣陵過見月倍相思

送張生

綠酒清宵醉風霜遠客愁携書過靜海走馬到安州閨月寒逾  
迫河洪凍不流憐君謝舊笏歸臥草堂幽

憶田園

綠樹青山郭先人有舊廬天光入戶滿雲氣護圖書未遂歸田  
計誰乘下澤車百年桑梓念回首謾躊躇

夜宴

銀燭照金屏香雲滿座生花飄舞袖影風度繞梁言明以先投

轄符前豈絕纓但將無醉飲何借到天明

酬王尊師仙遊四首

翠水三山路微茫見十洲月臨珠斗迥雲度絳河流露氣生蒼  
背蕭聲出鳳樓無學仙分得伴赤松遊

漠々層霄外寥々太乙居蒼龍翔飛蓋白鹿輓行車  
樹雲霞玉洞書何因躡天路探討極玄虛

羽節飄搖轉霓旌汗漫遊紅光飛赤鯉紫氣度青丘  
錦風迴蕩葉舟遙鱗徐福軍入海訪瀛洲

混今天光靜空濛星漢斜碧苑金鼎伏丹砂玉母顏如  
玉安期棗似瓜若陪瑤水宴還欲執芝靈槎

送楊秀才

京華久客居臨別意何如去路唯看月歸舟只載書  
九華山色暮秋浦樹陰疎更莫多留滯風霜近歲除

泛舟河口二首

河渚接平野衆水會通津曉色晴陰薄春聲鳥語頻  
盈々浣沙女惝々度船人共惜他鄉景風花節候新

波漾孤舟去雲霞淡水容櫓聲驚鶴鶴波影動魚龍  
不見山中寺遙聞天外鐘推蓬開悵望烟樹隱高峰

新秋有懷二首

律應清商動涼生大火流梧飄金井露鴈度玉門秋  
爽氣消殘

暑砧聲報遠愁佳期七夕近乘月却登樓

天高金氣肅日夕起涼風岸柳凋殘碧池蓮落淺紅六師征戰

罷萬里塞垣空欲寄還知信南歸托便鴻

新春朝中作

帝統尊三正神功叶九歌新春入鳳闕殘雪龍河國有賢才

盛天宜雨露多從今沛恩澤田野萬民和

題龍氏龍州書館

幽居如杜曲松竹舊時栽溪路隨花入柴門傍水開風來書帙

散月出棹歌回還共玉喬草吹簫坐紫苔

送實上人還山

諸山遊徧後飛錫上京華別路隨天遠浮盞渡海賒禪心如水

月色相是雲霞應有祇園樹歸時盡著花

挹秀軒

勝地風烟外遙山紫翠分花飄萬壑雨簾捲半溪雲鶴語林間

聽樵歌谷口聞不妨招鄭老對酒夜論文

故太守胡公夫人吳氏挽歌四首夫人大學士文穆公之

母也

懿美承先德尊榮際盛時同膺五馬貴早服二南詩敦復闡明

化醇和母道慈暹言終祿養鄉國不勝悲

春入繡闈重端嚴想德容玉冠垂翡翠錦裙綉芙蓉顯淑加新

號駢蕃益藉封愁看斜日外雪柳映寒松

圖史存歲戒珩璜爾珮紳未誇班氏傳曾卜孟軻鄰露隊庭前  
竹寒生澗裏頽哀歌忽載路涕淚滿衣巾

慘淡莫煙黃愁看逝水長雲陰隨畫屨山色掩玄堂孝子終身  
慕遺書百世藏悲悽泉門道吊鶴亦迴翔

沈學士挽詞三首

身際三朝盛名為四海尊襟懷澄霽月容色藹春溫供奉常隨  
輦追趨屢拜恩光榮誰不羨簪笏更盈門  
乞身曾上疏未許賦歸田高敞城西宅幽栖小洞天對花傾玉  
笋掃石奏朱絃學寵蕪蕭散人誇是列仙

變化忽長往高年踰古稀嗟予獨悲慨故舊未相違雪覆寒山  
暝天空樹影微不堪聞短笛愁絕淚沾衣

哭史葯房先生

青山舊隱處茅屋白雲邊苔色松間石春香楠下泉花開如昔  
日人去是何年悵望烟霞外長懷葛稚川

深州八景詩 州治舊苦水患知州蕭公遂移治於吳莊民  
皆便之為賦此詩

吳莊新治

饒陽古趙地春水溢郊墟太守新開治州人始奠居桑麻千里  
外禾黍九秋餘薄暮謳歌發喧、動里閭

博陵舊治

春風博陵道惆悵度河渠積水通瀛海  
遙峯接太行荒城多古屋老樹半斜陽  
野老遥相問猶存舊種棠

東鹿晴嵐

島嶼望不極峯巖高接天千岩發彩翠  
一半是雲想花落不知夕鶴巢誰記年  
世人那得到唯有地行仙

潭沱春漲

長河二月末雪霽斷冰開但見波濤至  
渾如風雨來飄擺野艇度蕩漾白鷗迴  
望極平沙際春光淨綠苔

凌霄暮詩

傳道層冰合聯翩漢騎過山川猶自昔  
風景尚如何草樹含清藹鳧鷖戲碧波  
渡頭斜日暮遥聽采菱歌

燕蓼夕照

平蕪千里曠亭是漢時名孤塔烟中出  
殘陽天外明數峯留晚色一鴈度秋聲  
訪古關容覽時看五馬行

房洲飛燕

迴流百丈淵靈物此蜿蜒變化知何日  
傳聞自昔年風迴紫燕集月射碧波圓  
著水無飛葉浮光直接天

澗水歸鴻

秋盡長河冷朔見鴈行北來離絕塞  
南去到瀟湘烟水三更

月蕪菱兩岸霜何堪數聲喚行客倍思鄉

元日朝回奉呈院中諸公三首

鳳曆頒新紀三元肇北辰風雲雙闕曉雨露萬方春載筆長隨  
輦忠家獨念親年々赤墀下喜見歲華新

大樂雲中度儀變仗外看御筵呈百戲仙旆引千官淑氣消殘  
雪晨曠散薄寒朝回思楚俗細薦五辛盤

城鴉低拂曙宮柳細含烟晚色分旌旆春聲入管絃兩京逢獻  
歲四海願豐年賴與同袍者追趨侍九天

舟行雜興二十首 求樂突已春扈從北巡同中使先發舟  
龍河自淮泗過平原天津抵通路同諸公作

長江天設險萬里走驚波風雨溟濛際魚龍變化多海門深瀕

洞鐵甕起峩峩一覽河山壯臨流發浩歌

飄搖持使節蕩漾似乘槎瓜步潮初落蕪城日漸斜孤烟迷去

鳥高樹隱殘霞遙見江村外青帘賣酒家

圖史藏金匱樓船翼書旗放歌移棹處伐鼓上洪時中貴烏鵲

帽詞人白接羅晚涼宜半醉臨水咏鳧鷖

晴烟含岸草晨露襲芳蘭野外春光煖舟中水氣寒行人憶御

遠慈母念衣單感此懷恩愛長吟愧伐檀

涉淮還入泗遠水接天平倚棹那知夕看山不記程荒村亞父

塚孤塔項王城惆悵他鄉客難勝既古情

歡娛不可極客思獨躊躇久載螭頭筆多乘駕後車敢期班定遠應愧馬相如聖德將何報束封擬獻書

柴柘連村暗蘼蕪滿路芳風烟齊地曠山水楚天長泛月移前渚看雲憶故鄉欲將離別意書寄鴈南翔

去路經鄒嶧迢迢望孔林河山齊魯地日月聖賢心草木薰晴景雲霞霽夕陰宮牆高數仞未敢遽登臨

岱嶽雲中出河流天際來孤城餘魯殿遠樹隱魚臺鷓鴣逐春波去帆隨晚霧開平生江海興臨眺獨徘徊

須向山水國家落古今情司隸留遺石無草有故城郡樓殘角起遠成夕陽明遙望東平墓萋萋春草生

經行逢故老訪舊問他鄉聊攝為方鎮登萊爲海邦男兒尚

竊婦女事蚕桑風氣從來別春深雨雪霜

駐節聊城下回時倍黯然鄉關入遠夢山海隔云天填政使龔送高風憶仲連躊躇不忍去夜鼓發官船

榆柳陰堤岸入煙居遠村高原秀菽麥野散野散野和藟燒炕編蘆夜覆門齊民尚淳朴遺俗至今存

舟過臨清牌層堤峻似巖石稜斜闊浪風勢急衝細草春將真途山日半街平安已度險歸字急

安居念勞役感此獨懷憂物色隨春尽年華逐水陵城寶劍安子佩然裘豈惜川途遠驅馳萬里

四火際交墟平草過雨餘暖

齊萊新水長美

凌十牽隴上車家亭春社沽酒市

正氣山大郡風節魯公餘兵甲重

冷細柳晚陰疎薄暮生歌動來迎使者車

倚棹天津口驚波來暮潮風高知海近

馬將軍但射鴈孤城向晚閉鍾鼓夜

又慕浮丘伯長懷大公山川謾登覽

碧殘陽入海紅持杯待清夜乘月泛

潞水環畿甸微風湧漫波亭臺圍翠

載胡姬白馬馱聯翩出南陌花裏共

朱翰

結朝霞紅有時驚風起天外捲石揚沙直冥晦巨濤鼓力撼山嶽  
摧雷霆怒吼魚龍駭瑠州太守朝天回凌風一片孤帆開天兵  
罔象皆歛迹嗚侯遠遊雙旌來賈執太守多美政揚旆穩度波  
濤靜滄溟杳渺無端倪汗漫一覽多佳興蓬山方壺高差我大  
守對此还高歌萬里空闊無驚波化鶴一去杳杳何摩挲此圖  
惆悵多

丁氏松月軒

豐城之內隱者居庭有老松三四株枝如鐵石鱗甲枯冰霜  
棘雨靈瀟垂蘿密布猶紛敷夜深枝上月出初蛟龍走影來  
除隱者對此將何如理琴罷罷讀古書萬壑風靜水輪孤心閑



意適塵慮無嗟哉此樂誰所圖我欲乞身如二疏歸尋隱者同  
結廬東松玩月興有餘謫仙弘景為之徒何必海上尋蓬壺

題襄城侯江山遠趣圖

李將軍才力雄自有韜畧藏胸中太平無事不用武閑却將軍  
氣如虎五羊顏生畫最工謾為將軍拂豪素長江渺々萬里波  
繞江千峯起差我深林大澤洎霧積此景蒼茫那可極將軍玩  
此意若何寧不學劍起舞而高歌古來志士有遠畧圖形多在  
麒麟閣顏生顏生丹青好為將軍作

徐太守墨梅歌

補之畫梅真絕藝遺墨流傳能有幾當塗老守師補之筆法宛然

取人間望翠旂淩京丹鳳夜無復御朝時

歲晏橋山路風淒薄暮天珠櫺幽夜月石馬鎖寒烟尊謔高千  
古交祠享萬年遺民念息澤猶想奏薰弦

登湖口石鍾山上閣

晨登石鍾閣南望獨徘徊五老雲中出九江天際來驚濤撼岩  
石萬壑鼓風雷俯仰一長嘯山川何壯哉

登石鍾山下閣

鑿石構飛閣峻岩倚半空上通飛鳥道下瞰鮫人宮雲氣入窓  
白岩花照水紅憑高憶蘇子欲賦未能工

經懷來馬上作

馳馬度河橋，河流急似潮。風高知地曠，路轉竟山遙。伐鼓雲橫陣，揚旗劍在腰。書生亦好武，誓欲斬天驕。

贈張生

張生豪傑士，家本住成臯。腰佩雌雄劍，胸藏龍虎韜。兩為軍校史，三掌郡兵曹。欲掛封侯印，從戎莫憚勞。

趙壯尚書挽辭二首

昭代生賢俊，崇階進上知。累朝承厚寵，四海仰嘉名。匡濟丹心切，憂勤白髮生。歸休洛中去，無愧會耆英。  
憶曾經上谷，並馬看燕然。極目窮青塞，吟詩拂彩箋。欲娛咸感夢，深慕蔚似雲。州無復瞻冠，蓋迨趨侍九天。

紫微半沾花露濕，多惹御香歸。寵渥今尤厚，交親且暫違。書遊還故里，草木也增輝。

扈從東苑閱武應制

御路通仙苑，神峯壓海鰲。陣開雲鳥勢，機合虎龍韶。星逐珠毬轉，花迎綠仗高。穿楊飛羽箭，走馬試金刀。乍合嚴鉦鼓，才分列羽旄。

天威臨玉帳，日色照黃袍。賜詔頒清宴，陳詩詠載櫜。小臣思獻頌，願繼漢王褒。

再遊楊鴻臚東郭草亭

睨下巒坡直，春遊近郭園。柳陰嘶過馬，花塢駐行軒。樹密巢多

烏池清水有源泛，玉傾玉液展席坐。雲根自有山林趣，都無古井喧煩年。遂函賞感激荷天恩。

送劉鼎御史述按交趾

萬里南交郡，三春使節行。雲霞開霽色，山岳振威聲。馬援祠前路，高駢塔畔城。扶輪諸吏拜，負弩遠人迎。政在求民瘼，心惟聖情地。偏多賦歛，產薄有孤軫。賑恤恩宜厚，綏懷法用輕。遺民庶安堵，邏卒且歸營。蹤跡豺狼絕，風霜豸角橫。方知繡衣使，有志在澄清。

玉峽書臺

投地群峯起，連天碧嶂開。升崖長壁草，錦石墜苔陰。氣凝深

壑，陽光曠上台。泉飛樹杪下，江轉峽中來。水色明如練，波聲隱若雷。沿流環竹樹，隔岸起樓臺。日靜汀花落，庭空野鶴回。堆床多簡籍，拂席少塵埃。幽夏揚雄宅，清狂李白才。臨淵窺瀆洞，高檻看崔嵬。遠興供詩句，閑情付酒杯。自緣多勝景，何必問蓬萊。

送尹子源之官福清詩

觀光依虎觀，拜

命下龍墀，靈龜新眷候。

日晴山雲裏，漠汀樹曉離。

遙想經行處，臨流獨賦詩。

望極三山外，平湖接海天。春帆來賈客，夜榜集漁船。綠酒懸出客，黃花可養年。自知無寵辱，托興似材泉。

王文安公詩集卷之四

男祐編集

七言律詩

寄和楊之宜春早侍宴朝回之作

紫微天近九門開，玉漏聲殘禁鼓催。  
五色祥雲依黼座，九重春色照金杯。  
輕風微逐鳴珂散，細柳低迎仗馬回。  
一曲陽春誰和得，鳳凰池上待君來。

三月初一日殿試承恩賜膳

大廷發策詢多士，草野徵臣忝拜恩。  
已勅大官先賜膳，更勞聖主自臨軒。  
濟時準擬陳三策，論事相將及萬言。  
明日臚傳端有喜，卿雲五采映詞垣。

賜五色菊應制

御園嘉菊異群芳，勅賜移來白玉堂。  
密葉千重含曉色，奇花五彩絢晴光。  
共誇晚節風霜秀，兼帶中天雨露香。  
珍玩敢忘恩意厚，頌祈

聖壽萬年長。

立春宴樂侍讀宅分韻得絲字

紫禁風和刻漏遲，賀春已到龍墀開。  
筵正在朝回後，宴室初當酒熟時。  
坐上綵花懸寶勝，門前白馬控青絲。  
却慚半醉猶晚，應似山公倒接離。

送南康翁教授赴任德安

白髮戎冠古進賢，十年風雪守寒邊。  
關西不獨推楊震，關下從來說鄭虔。  
別路斜陽京口樹，他鄉明月洞庭旌。  
舡郡齊南望山如戟，還似匡廬舊講筵。

送陳郎中重使西域

使節重臨玉塞秋，馬頭衝雪過伊州。  
押營中貴橫金帶，護索諸軍着豹裘。  
夜聞羌笛行沙磧，曉度冰河望戍樓。  
掩為

聖皇宣德澤，無勞歸飲月支頭。

送楊部指揮出塞

魯豕嫖姚破百蛮，歸來分闕向蕭關。  
星文寶劍腰間帶，月樣雕弓馬上彎。  
誓掃犬羊空瀚海，要令烽火靜陰山。  
軍威况借

天威重早見春城奏凱還

題查氏東谷隱居

身閑偏着芟荷衣谷口因家亦自宜  
蘆捲空亭殘雨後鳥啼深  
樹夕陽時閑招野衲雲間錫靜對山人石上碁  
自笑流年容易過未應雙鬢便成絲

送汪生別其兄南歸

高歌一曲間清蕘曲盡何堪更別離  
汶水烟波秋暮日彭城風雨夜寒時  
行經遠郭聞鷄早望入長江見鴈遲  
待到故園春已近滿池芳草不勝悲

阿魯台受封後遣其幼子入侍

遠分符券册天驕息似春陽及草苗  
虜騎萬人先納款胡兒卜歲也歸朝  
舊垂髮髻纏舊錦新賜珠纓珥漢船  
暗想黃雲沙磧裏托身向幸到青霄

送林侍講第崇信赴泉州訓導

青春被服稱華簪惆悵南行萬里心  
愁聽鳴鳶聲雲外斷吟看草色雨中深  
舟移汶水經陽穀路轉魚臺近孔林  
百世絃歌遺化在廣文無惜此登臨

進士楊勳自洛回與用中諸公薄暮見過有作蕪簡雅言教授

斜陽啼鳥滿空庭卷慢西山晚更青  
洛下已看回使節天边今

畫裏文星千門月色人皆醉午夜鍾聲酒半醒忽憶廣文相別  
又何因多病廢傳經

寄張真人西壁

翠袍珠珮紫羅巾洞府神仙第一人夜攬星辰三島月曉看花  
木十洲春龍來授法蟠丹井鶴去傳書上玉宸東望蓬瀛遠相  
憶長生欲覓尚無因

龍武岡有召

軍門有令急傳呼黃帳前頭寫陣圖盡道陳琳為國士焉知葛  
亮是名儒安邊有策何須敵逆虜無君久待誅頭作前驅一小  
校不簪彤管佩金符

自瀾樂海移師東行

遠蒐瀚海虜營空寶纛黃麾更向東十萬瑯戈皆馬步九千犀  
甲盡番戎密覘敵勢無人覺默計沁河有路通坐見大羊背就  
縛兵機先在運籌中

至兀良哈

路轉番河草樹平遠山層疊似重城多尋燥道窺人跡遙望飛  
鹿識虜營地偏且着諸軍伏令下先教探騎行明日出竒看破  
賊合圍齊發帳前兵

城南寓居

自喜幽居隔市塵不知啼鳥送殘春坐中常有彈棋客門外應

多載酒人綠樹重陰連上苑夕陽餘彩入西隣折葵便擬清露  
坐却笑年來似隱淪

寄徐氏許氏二妹

去年曾接寄來衣此後音書亦漸稀  
遠別祇緣思愛重相思  
覺宦情微容華暗逐流年改  
卿夢應隨過鴈歸  
聞說老兄  
大寸心寧不戀春暉

端午日賜觀射柳二首

鳳凰城上駐龍旂  
瑞日含光耀紫微  
淡蕩蒲風初應節  
細編花氣半薰衣  
仗前新築鞬麟苑  
雲外遙開虎豹圍  
先看聖孫來試馬  
指麾兵陣合天機

鳴鏑伐鼓催飛輦  
列陣行雲擁翠華  
競挽瑤弓如月滿  
盡隨揚柳向風斜  
因知上將皆猿臂  
拔道諸軍勝虎牙  
莫羨天山曾敵  
巧射生今已靜胡沙

送陳洽尚書拜命同大將軍英公出鎮交趾

黃麻宣命出薇垣  
榮寵新瞻八座尊

天子拜令開幕府  
威聲先到轅門遙  
飛羽檄收殘寇  
却放諸軍入舊屯  
憲共成功寶車騎  
歸來麟閣拜深恩

南昌即興和項御史韻二首

重疊青山江上城  
江流一道接東溟  
萬家楊柳烟中市  
十里荷花浦口亭  
神劔已驚風雨化  
潭蛟空齧水雲腥  
登臨何處堪回



首徐孺祠前春草青

丹臺紫霧接列壘曾倚西風聽步虛黃鶴不知何日去杉鷲爲空  
籙舊時居浮雲度雨千峯外積水澄秋萬里餘醉裏忽忽惆  
悵卧聞鐘鼓在天衢

送胡直敬方下第還家

不同年少步青雲歸戴儒冠獨羨君洛下何須推賈誼朝中猶  
自惜劉蕡聊城日暮風沙淨岱嶽天晴紫翠分齊魯山河今覽  
偏子長惟有百篇文

和素庵寺講對雨詩

九夏重陰長不開風聲偏送雨聲來低垂楊柳窓前暗半濕朝

衣馬上回雲霓不用蒼生望黼黻還資內相才誰道先生今白  
髮紫泥封誥欲相催

直隸中次韻

苑樹陰之鳥自啼從官多在掖垣西霓旌浮動蒼龍影御馬行  
翻碧玉蹄路入廣寒天語近涼生金露月華低幾回得侍宸遊  
處兩袖香烟晚更携

題果贊善南齋

宮闕迥懸天漢上齋居遙對御城南雲霓列似千重幕涼氣清  
如百丈潭詩句每從閑處得道機因向靜中參何幸時來陪几  
席焚香得坐接清談

題宋王晉卿駙馬西園雅集圖

洛陽春日舊遊時，何晏才名衆所知。  
碧水丹山誰共賦，黃冠野服正相宜。  
蘭亭遺墨今猶在，蓮社高風不可期。  
惟見天津斜日外，澹烟疎柳亂垂絲。

冬至日早朝微雪呈同院諸公

九重曙色照蒼蒼，鐘鼓聲高刻漏長。  
已慶三陽迎節候，祇宜萬壽祝君王。  
微飄瑞雪消寒氣，輕點朝衣散御香。  
不獨聖恩頒慶，更書雲物紀禎祥。

寓館有懷

客居何事倍傷情，恨不全家住薊城。  
望入故鄉無鴈過，夢回殘

月有鷄鳴歸心，誰復如張翰生計。  
安能似向平，四十年華看已過。  
無才深愧負時名。

送中書舍人張伺庵從北征

萬乘春行擁六師，遠追殘虜靜邊陲。  
天機開闔風雲陣，辰象昭回日月旗。  
夜對青油書檄屢，曉看黃幄受降時。  
從官齊拜龍顏喜，新製鏡箴載道吹。

少年將

漢家十萬羽林兒，壯氣桓桓似虎貔。  
挽得凋弓射飛鴈，場將宮錦繡盤螭。  
春城走馬花開處，夜鼓歸營月上時。  
應是太平無戰伐，少年行樂正相宜。

送陳員外使西域

乘輅西去度河源，望盡蒲山接塞垣。  
諸郡謳歌迎使節，一時雨露降天恩。  
黃沙白草烽烟淨，斜日寒雲鼓角喧。  
知有香王隨入侍，遠將龍馬貢中原。

送葉秀才赴香河教官，燕呈吳合泚文穎

金臺北去是香河，應喜官閑野興多。  
井邑背城無客旅，齋居臨水有絃歌。  
太行日暮看雲斷，渤海春深見鴈過。  
煩問謫居吳令尹，田園生計近如何。

送廖去怠從陳尚書與英公往南交

行趨幕府參戎事，此去南荒淨海氛。  
紫綬金章大司馬，虎符龍

節上將軍萬家井，邑初開郡四野旌。  
旗半入雲草檄餘聞多雅趣，不妨看劍夜論文。

哭袁庭玉太常

早從潛印識

龍顏喜得功名半，世閒歸去天涯雙。  
白髮夢回江上一，青山寒岩夜靜聞猿斷。  
秋浦雲深見鶴還，寂寞遺在何處是。  
數株衰柳夕陽間。

送李處士時傑還鄉

連城烟雨畫霧，草色初晴柳色微。  
千里心隨孤鴈去，一封書寄故人歸。  
仲長山水多佳趣，彭澤風烟半落暉。  
白髮獨憐尋舊

隱無由相逐解朝衣

老胡婦

父事穹廬瀚海傍何年歸附入漁陽單于死後年雖少漢將拘  
來髮已霜猶解挽弓飛白羽也曾馳馬射黃羊如今憔悴誰相  
問空對琵琶泣數行

周處士溪居

桃源深處托幽栖兩岸桃花路欲迷沙上月明聞夜榜雲間日  
出听晨雞風烟漸淡思陽羨水竹蕭疎憶漢西  
聖代只今無隱者未容垂老似磻溪

和胡學士遊佛窟寺

遙山漠漠遠烟微古寺從來過客稀蒼煙爲隨霜葉下寒岩僧  
帶暮雲歸心從靜處偏聞法禪向空中始悟機歸路正堪乘月  
色翩翩白馬引朱衣

逢武當道士李幽巖

十五辭家入洞天白頭今作地行仙手持竹杖青如玉才着荷  
衣翠似烟海上雲濤閉處看壺中樓閣醉時眠相逢欲問還山  
路笑指桃花綠水邊

寄黃廣文

鄭虔老去是吾師不用相思嘆別離負慳諸生皆碩學過庭群  
從總聞詩城頭殘月趨朝早禁裏疎鐘退食遲幾載著書思舊

隱未容歸臥向明時

唐氏隱居

郡城西面擁清湘，水連山護草堂。  
卷幔浮雲千嶂曉，入窓微雨百花香。  
杜陵老去耽詩癖，阮籍閑來效醉狂。  
最好凭闌斜日外，數峰秋色是衡陽。

朝回宴李君小館有懷

欲寄卿書鴈過稀，家山多在夢中歸。  
天連楚澤波聲遠，雪暗交河樹影微。  
每聽鷓鴣啼曉騎，多乘殘月著朝衣。  
與君退直歸偏晚，把酒相看對夕暉。

扈從重至北京

滿道笙歌迎御輦，萬人歡抃效嵩呼。  
山川遙獻雲霞瑞，草木均沾雨露濡。  
日射龍光團寶扇，風薰花氣和金爐。  
屬車誰羨詞垣客，載筆重來賦兩都。

奉酌楊之宜見寄詩韻

曾隨御輦看花飛，馳道繁迴入翠微。  
帳殿旌旗行處近，人家烟火望中稀。  
梁山日暮孤雲斷，汶水春深一鴈歸。  
今到廣陽成久住，莫教音信遠相違。

贈孫碧雲鍊師還山

鍊就神丹熟九還，一簪華髮尚童顏。  
到來明月金臺路，歸去浮雲玉洞山。  
多附鸞書三島外，長留碁局百花間。  
何時得訪陶弘

景坐我烟霞半日閑

榆林夜宿有懷卽庵學士對月之作

榆林春夜漏聲遲獨憶奎章對月時  
翠袖清歌看駐輦錦箋紅燭坐題詩  
連雲尚有青山在夾路應多細柳垂  
北望窮荒獨盡昔年文物倍堪悲

望宣府諸山作地志載燕然山即此

群山何處是燕然亂石懸崖半倚天  
疆域久書唐地志碑銘尚記漢山川  
雲邊古路黃沙磧谷口斜陽白草烟  
極目蕭條千景外幾行飛鴈獨翩翩

送呂尚書使閩中兼省母大夫人

旗旄轡道擁前驅使節西行受命初  
手捧龍章乘白馬腰橫犀帶佩金魚  
多逢故老宣恩意更向高堂問起居  
畫錦光華誰不羨魏公清德重鄉閭

贈李將軍

青春玉帳樹牙旗蒲海風高列陣時  
夜斬單于水上度曉驅番馬雪中騎  
功存鐵券書丹字冠着金貂侍玉墀  
誰道廉頗今白髮指麾猶可萬人師

春日開小軒謾興

閑看芳草碧萋萋久客思家意轉迷  
微雨一春歸鴈斷斜陽幾樹亂鶯啼  
新開水檻仍依郭舊種村田亦傍溪  
真性只宜幽遁

者何因涌籍向金閨

重遊慶壽寺

投閒未卜遠公鄰  
重向烟霞訪草春  
祇樹萬花開寶地  
紺堂千佛見金身  
因窺禪意能通寂  
已覺閑心不染塵  
鍾磬冷冷斜日外  
松風啼鳥更宜人

觀御馬

天閑十二馬如雲  
供御驂驪獨不群  
珠絡繡鞵垂鳳臆  
紫霞黃蓋覆龍文  
控隨曉仗臨雙闕  
馳向春營按六軍  
逸態飄飄誰得近  
驕嘶多是隔花聞

送張真人西壁

紫府仙人戴玉冠  
新承封誥出金銜  
霓旌迤邐歸龍虎  
羽蓋飄揚引鳳鸞  
滿路碧桃春渺々  
連山翠霧曉漫漫  
洞天到日應何事  
更煉長生九轉丹

遊揚州東郭草亭

朝回已覺酒微醒  
淡蕩東風信馬行  
滿路飛花初過雨  
繞亭飛柳亂啼鶯  
故人傾倒留賓客  
野老謳歌頌

聖明總道太平人  
盡樂園林草木也  
光榮

送受封卻御史

聖主推恩已授官  
承顏不獨綵衣歡  
到來天上瞻龍袞  
歸去山中着豸冠  
秦望曉雲開霽色  
鑑湖春水漾微瀾  
應同魚鳥閑遊慣

不假風霜鐵面寒

送李學士還安成祭祖

金門漏徹曙光微，祇奉綸音下赤墀。  
玉佩錦衣還故里，寒雲龍樹有深思。  
蘋蘩薦祀逢秋後，梅柳迎春近臘時。  
視草臺坡應有待，盃盤黃閣正相期。

行儉侍郎惠雙鶴并詩次韻

雙鶴娉婷在綠陰，興來為爾復長吟。  
久馴尚有衝霄志，乍到寧無戀主心。  
舞影聯翩隨月轉，鳴聲嘹唳竟秋深。  
感君相贈無相報，謾數朱絲續賞音。

家養二鶴潔白可玩以酌行儉雙鶴之惠

惠我仙禽誰不愛，酌君家鴈也珍奇。  
雪翎豈待滋春露，紅掌偏宜泛綠漪。  
房相庭前微雨後，右軍池上晚涼時。  
看他素白同鷗鷺，兩之和鳴振羽儀。

送王晉明還金谿

萬里飛騰捧薦書，幡然歸去意何如。  
且從故里為師範，偏得高堂問起居。  
綠樹重陰連巷陌，清秋涼氣滿郊墟。  
殷勤不廢三冬學，芝有徵車到里閭。

送王都御史使河南

文犀為帶錦為衣，手捧天書日下歸。  
問俗謾勞詢父老，感恩兼得拜慈闈。  
嵩陽雨霽烟光澹，河洛春深柳色微。  
總道駑庸車行



慶好豺狼先已避霜威

觀吳閩之所種五色薔薇

繁華五彩勝荼蘼春去才開蝶不知  
死似雲霞生玉洞恍疑金翠出瑤池  
披香尚想吹簫處滴露曾聞寫韻時  
一自鶴飛三鳥外可憐清賞負歸期

和錢檢討遊海印寺之作

連城鐘鼓散晴烟紺殿遙開北斗邊  
蒼苔香深微帶露蓮花池爭暗通泉  
雲霞高捧空中日色相長涵鏡裏天  
始覺禪心無染着此生那得謝塵緣

過虞美人墓

玉顏長得君王愛飲恨其誰薄命何  
謂業盡消埃下戰英雄空對帳中歌  
斷雲殘雨江東遠衰草寒烟墓上多  
猶有楚人未悵望扁舟夜載月明過

重遊白雲觀分題作

羅馬重來此地遊地偏疑即是丹丘石  
壇瑤草逢春生玉洞桃花夾水瀉尚  
有仙童招白鶴豈無閑吏候青牛歸  
鞍更聽蓬萊近雲氣遙連十二樓

夜泊祁州城外有懷呈同行諸公

平蕪漢水柳依依迢遞烟村夜火微  
遠水孤舟人語靜更城殘月漏聲  
歸心馳北闕應先到家在南方久未  
歸明發北橋頭訪

古淹留莫惜典春衣

寄示裕祐祺三子

阿祺別我久還鄉兄弟聯翩若鴈行  
并長可能同李密交親寧不慕黃  
糸息憐撫育恩難盡身悅驅馳髮欲  
霜一度書田一閱張白雲無限楚天長

送劉維給事中赴雲南關兵

皇華遠赴夜即成曉日飄飄  
向馬前迎雲山草木皆含國瘴海波清久  
意太平無事且春耕

石佛寺

上方烟樹遠沉沉  
過客重來感慨深  
山下浮雲多故壘  
定中孤月獨禪心  
幽花細草春光晚  
古路荒苔夕照陰  
此處俗塵應不到  
幾人乘興解登臨

過戲馬臺

烽烟三月火咸陽  
功業終隨玉斗亡  
却嘆重瞳非霸主  
方知隆準是真王  
蕭蕭歸馬旌旗盡  
寂寂空臺草樹荒  
堪笑英雄還有恨  
嗚嗚不似楚歌長

挽趙御醫

校書深羨石渠郎  
金馬曾聞有薦章  
醫術自慚如重奉  
華誰惜以馮唐  
空囊遠藁皆成帙  
舊日殘書尚滿床  
惆悵九峯烟雨

外水光山色亦淒涼

題滕王閣圖二首

連城高閣起崔嵬，帝子曾經歌舞來。  
四面簾籠開曉霧，半空鼙鼓隱春雷。  
緱山謾說乘禽去，遼海徒聞化鶴回。  
惟有三王遺刻在，年年風雨長莓苔。

鳴鸞珮玉憶當年，遺跡荒涼倍可憐。  
尚有殘花飛蛺蝶，應多古樹泣啼鵑。  
西山疎雨浮雲外，南浦驚波夕照邊。  
何事王孫舊時草，滿堤猶自綠芊芊。

北京八咏

居庸疊翠

千峯高處起層城，空裏峯巒積翠明。  
雲淨芙蓉開雪色，天清鼓角散秋聲。  
北連紫塞烽烟斷，南接金臺驛路平。  
此地由來天設險，萬年形勢壯神京。

玉泉垂虹

陰崖翠濕雨微收，一派清冷萬壑幽。  
雲裏玉虹低映日，天邊銀漢迥涵秋。  
影隨斜月穿林過，香泛飛花出峽流。  
消不向人間去，細逐春風入御溝。

太液晴波

杜若花深雨露香，滿池春浪接天潢。  
樓臺淨寫空中影，日月長涵鏡裏光。  
有象龜龍皆獻瑞，無心鷗鳥亦隨陽。  
應知聖澤深如

海已有恩波及萬方

瓊島春雲

蓬萊擁翠開金殿雲氣凝春勝彩霞晚色迥含千樹柳晴光深  
映萬年花終為大地施霖雨更傍層霄捧日華瑞采綢繆長不  
散從來此處是仙家

薊門烟樹

迢遞東城帶遠岑烟中古木更森森繁枝不逐風霜老積翠應  
含雨露深香霏殘霞連暮色依微初日散輕陰枝頭偏有流鶯  
轉長送春聲入山林

西山霽雪

天近諸峯盡向陽暖融晴雪見春尤素華疊映雲霞色瑞氣多  
含草木香漸竟層林分遠近遙看空翠出微茫為語東風莫消  
盡且留歌詠付山郎

盧溝曉月

渾河東去日悠悠斜月偏宜入早秋曙色微融波影動殘光猶  
帶浪花流疎鐘欲度千門曉疋馬曾為萬里遊題柱謾勞回首  
處西風零露滿貂裘

金臺夕照

獨上高臺望古城暮天風景尚含情數峯殘照雲將掩幾樹閑  
花鳥自鳴玉帛已看今日會黃金空記昔時名願歌周雅思皇

味多士衣冠盛竊京

南昌古蹟十咏

澄臺墓

當年懷壁度延津南國遺祠尚有神  
近墓何曾開曲徑下車長  
自過賢人月明華表聞霜鶴草長  
荒園臥石麟曾向武城詢舊  
里絃歌寂寞更沾巾

灌嬰城

漢家飛將穎陰侯舊築層城但故丘  
草樹風烟今尚見樓臺鼓  
角昔曾遊深濠亂有樵人度斷岸  
應多野水流回首金湯在何  
處蘆花楓葉楚江秋

梅真觀

去國長懷萬里意到章未報忍歸休  
山無忠諫居三輔獨有感  
樞在五侯舊館空餘秦地月古壇  
猶似漢宮秋傳聞誇鶴三山  
去不向湘潭賦遠遊

葛仙壇

白雲深處有仙家豈似人間換歲華  
玄圃四時生碧草金爐九  
轉熟丹砂放龍時送巖前雨鸞鶴  
長栖洞口花惟有緱山王子  
晉年、未往在烟霞

樓書者

孤琴別鶴思悠々一片風帆萬里秋  
車馬不勞江上送封函盡

向水中投人情世態何須問  
往事浮雲莫謾愁烟樹蒼斜日  
暮幾聲寒鴉過汀洲

馮蘭軒

仙臺瑤館靜寥寥去逐行雲天路遙  
紫氣隨春生彩筆神光入夜近  
丹霄迴玉洞因騎虎直上銀河更  
度橋惆悵千山風露冷擬從何處  
聽吹簫

繩金塔

重城烟霧遠蒼茫百尺浮屠在上方  
大地雲霞涵寶氣諸天相見神光  
迴闕向山山上飛梯遙隔北斗榜  
尚記題名

浴仙池

霓旌颯々泛天風路接銀河一水通  
鸞影乍臨清鏡裏羽衣還入白雲  
中只疑神女歸巫峽長想仙娥在  
月宮駐馬幾曾池上看桃花空照  
綠波紅

陳陶宅

山深風景似華陽茅屋蕭條石路荒  
終老獨憐唐處士平生不慕五陵  
王  
岩前日落行雲斷  
裏花飛春草長  
空有當時猿鶴在滿川霜月夜  
凄涼

許公圃

避地還尋高士居滿畦芳草意何如  
別來劔閣千山月拋却陰

詩一卷書仗節護回斜日外園花空發暮春餘明當移棹烟波  
去不羨人間駟馬車

題陶穀學士郵亭夜醉圖

誰憐艷色照春陽回首紅亭却斷腸不羨有金如陸賈可能無  
真似襄王琵琶聲後青衫滿江節歸時粉黛香休笑與元幕中  
之佳襟臨別淚千行

蒙恩待賜歸省舟中奉呈同行退恭尚書

長河之水接天平路轉山迴謾記程芳草斷烟清口渡曉風殘  
月廣陵城千家柳色燕春色兩岸立一聲雜鼓聲傳道尚書歸  
空路人曾立西行旌

遙想金川旌旆歸一時佳氣滿庭闈輝煌五彩龍文誥璀璨千  
花豔錦衣草木也應多喜色山川倍覺有光輝祗羨燕雀隨鴻  
鵠得共雲霄萬里飛

揮麈亭三十九代天師所居今西壁真人重構乃為賦之

二首

蓬島仙人戴玉冠曾揮玉麈坐瑤壇青牛去後閑山暮白鶴歸  
時塞月寒寶篋尚存三洞籙金爐猶伏九還丹近來亭榭應何  
侶滿樹晴花宿鳳鸞

水繞仙山四面流相傳此地似瀛洲亭邊羣蓋千株樹雲外丹  
梯石尺樓莫逐桃花尋去路願將蓮葉作仙舟閑來相伴談玄

者生聽松風萬壑秋

送楊琛長史還吉水

秋半都門雨霽初  
送君南去意何如  
又知渤海懷龍遂  
今喜江都得仲舒  
綠酒青樽尋故友  
黃花翠竹訪郊居  
休言白髮離鄉久  
架上猶存舊著書

和吳司業寄鄧林憶別詩

南行又與故交違  
何事迢迢動客思  
韓子每稱東野句  
杜陵多寄謫仙詩  
閑看流水情難盡  
靜對孤雲意獨遲  
有約未春拜掃聚  
杏花壇畔聽朱絃

送童憲使寅還江西

玉漏聲微禁鼓催  
香烟滿袖出蓬萊  
龍章紫誥承華寵  
玉簡光衣到外臺  
為政久持冰蘂操  
濟時須仗棟梁材  
近時方岳俱登用  
只恐徵書早晚來

送陳孟旦教諭赴江陰

諸兄詞館昔同遊  
蚤歲憐君學最優  
總謂才高宜薦達  
莫嗟官冷尚淹留  
蘭陵山色雲中曉  
震澤波光海上秋  
想得鄭虔詩興好  
何須更說步瀛洲

送知縣梁碩赴什邡

什邡遙接大江流  
此地曾封漢列侯  
到處烟村黃葉樹  
幾家茅屋白雲秋  
山深自好彈琴治  
事簡應能出郭遊  
側聽西人頌嘉



政循良不獨魯中牟

送尹復道

遠將書劍載孤舟總道南行是勝遊  
漢江天全楚地蒼烟樹故荊州  
山連郡郭千峰出水繞黉宮  
四面流最好廣文開講席夜涼燈火對高秋

寄少保東萊黃公

鳴珂佩玉侍丹霄獨秉忠誠事五朝  
參贊今同周太保謀猷曾佐漢嫖姚  
東風芳草清溪路細雨飛花白下橋  
馬上詩成誰和得取煩書寄舊宮僚

早春楊尚書置酒閣中次少傅東里公韻

說許檢校


昔承恩詔入龍墀闕下才名衆所知  
細柳營中看舞劍紅蓮幕裏坐題詩  
每勞

明主官衣賜常得將軍戰馬騎  
拜領簿書誰不羨三丞能命亦相宜  
吳江花發經行處微省春深乍到時  
總被六曹皆有法部巡諸道却無私  
還怯早魃施霖雨更息群妖決衆疑  
敢謂功成思勇退獨憐親老力陳辭  
街恩就捧歸田詔把菊先傾獻壽卮  
頃水田皆近郭萬條烟柳半臨池  
方知身世閑偏好愈覺文章老更奇  
洛社幾年嗟不見楚山終古亦含悲  
陶潛舊館看猶在賀監扁舟去莫期  
千里孤雲秋色暮數峯殘雨夕陽遲  
鄉人猶

自尊者德孫子惟應拜墓祠若向臨安城下過斷腸還有去思碑

對雪賦得光字

一夜花飛滿建章  
膺前三白喜皇洋  
玉階天近微飄影  
紫閣風回不度香  
斜逐旌旗分陣勢  
儼隨鷓鴣入班行  
能添御史霜威冷  
解拂將軍寶劍光  
曉色分明連上苑  
月華重疊映迴廊  
雲峯盡壁壁臺白水  
樹深藏御柳黃  
謾醉宮壺寒力薄  
微聞清禁漏聲長  
豐年即此多恩澤  
瑞氣和春到萬方



王文安公詩集卷之五

男衮編集

七言絕句

題群雀圖

寒梅幽竹滿疎籬  
臘盡風和雪霽時  
禽鳥也知春易到  
和鳴先集向南枝

題鏡中墨梅

冰作肌膚雪作容  
鉛華點綴若為工  
羅浮仙女多姿態  
乍試新裝晚鏡中

題雪天蘆鴈圖宋王無所畫一首

塞鴈悲鳴百草枯  
宣和遺恨竟何如  
殿臣此畫寧無意  
正欲當



時戒覆車

玉管吹殘雪正飛陰山夜道馬行遲  
數聲落鴈黃雲暗空想延春看畫時

小池

小池流水日冷中有遊魚作隊行  
青魚未可閑垂釣近水堪自濯纓

題畫四首

竹外紅桃畫着花水邊亭館勝仙家  
此中風景長年好不似人間換歲華

浦樹陰陰連翠微江皋日暖白鷗飛  
何人倚棹西風外疑是

陰賀監歸

青山紅樹晚雲多借問看山意若何  
遙見懸崖掛飛瀑只疑天上落銀河

飛雪漫山凍未消滿林積素似瑤瑤  
相看且唱陽春曲不用垂鞭度霸橋

病起

病起昏昏似醉醒看山徐步出前庭  
不知昨夜多風雨滿地落花春草青

題曾侍講雲山圖

倚天喬木翠重重秀色微茫是九峯  
誰道白雲長不散望中佳

氣盡隨龍

舟過高郵

畫船過鼓過孟城兩岸桃花春水平  
今夜湖中多好景直須看  
月到三更

題胡人歸獵圖二首

獵罷陰山薄暮歸  
統鞍雉兔馬行遲  
風高不敢鳴笳鼓  
只恐防秋漢將知

馳馬謾誇弓力強  
斜飛白羽射黃羊  
旃裘一去龍沙遠  
惟見西風塞草黃

贈能書胡昂二首

竹雪齋中雨乍晴  
日長惟寫換鵝經  
滿庭花落無人到  
遙看西山數點青

京國相逢長日醉  
中往更吟詩  
忽然揮洒人驚見  
風雨蛟龍出峽時

題洛神圖

水殿新粧試落梅  
芙蓉一朵鏡中開  
誰憐國色翻成恨  
怨入陳王七步才

題彩鸞圖

笑倚東風露玉腮  
謾留遺墨在仙臺  
當時蹤跡應何似  
一片行雲帶雨回

題西墅學士家畫竹幃二首

路轉山迴溪水深君家萬竹翠沉沉分明影落銀屏上踈雨寒烟十畝陰

一片蕭蕭、烟水姿知君托興最相宜白麻紅燭清秋夜相對猶歌衛武詩

題畫

山下荒村烟樹天邊落日孤舟行客欲歸何處白雲茅屋清秋青山飛瀑圖

昔過匡廬看飛瀑玉虹垂影雨初收江南風景忽在眼惆悵白雲千里秋

劉道士南陽舊隱

白石蒼苔路欲斜微風滿地落松花舊時唯有燒丹室門對孤峯鎖暮霞

梨花鳴鳩圖

一樹棠梨花正開鞦韆何處忽飛來不須喚雨催春暮只恐花飄委綠苔

宦後晚發東葛城二首

五營齊起听鷄鳴亂奏梅花已四更山徑月斜楊柳暗忽聞枝上有流鶯

滿路春泥雨乍晴石苔新綠水痕平玉驄驚過金吾隊中使時

來問姓名

淮安別回御史

遠別悠悠、鄉夢頻逢君况是異鄉春可憐河畔青、柳又折長條別故人

辛安渡和舟人櫂歌三首

渡頭兒女茜裙新背擺雙槽蹙眉顰日暮教郎且莫渡渺、風波愁殺人

春來春去河水流河邊風浪幾人愁今夜送郎渡河去明日相思望渡頭

晚風淒、山雨來花飛隨水正堪哀行人見花須有意莫逐東

風公不回

題洲明歸去圖

柴桑歸去未為貧漉酒漉湏用葛巾莫道先生渾是醉也將醒眼看他人

